

साधु प्रतिक्रमणसूत्राणि

तथा

श्रीमान्-क्षमाकल्याणकोपाध्यायविरचितः

श्रीसाधुविधिप्रकाशः ॥

इदं पुस्तकं श्रीमत्सुमतिसागरोपाध्यायशिष्यस्य मुनिश्रीमणिसागरस्य सदुपदेशेन कच्छदेशस्थ-गोयरसमाग्रामनिवासि
गोविंदजीभाई हरशी पुनशी तथा मुम्बईनिवासि अमीचन्द्र पन्नालालाभ्याम्
मोहमय्यां 'निर्णयसागर' मुद्रणालये कोलभाटवीथ्यां २३ तमे गृहे रामचन्द्र येषु शेडगेद्वारा मुद्रयित्वा प्रकाशितम् ।

वीर निर्वाण २४४४. विक्रम संवत् १९७३. काइष्ट १९१७.

यह पुस्तक साधु साध्वीओको भेट मिलेगा. और साधुविधिप्रकाशका भाषांतर छपनेवाला है सो छपनेपर भेट दिया जावेगा.

रु. ५० मुंबई वालकेश्वर निवासी एक श्रावक.

रु. ५० पाटणनिवासी शा. छगनलाल वालचंद हाल मुंबई.

Printed by Ramchandra Yesu Shedge, at the Nirnayasagar Press, No 23, Kolbhat Lane, Bombay,
and Published by Amichandra Pannalal, Walukeshwar, Bombay.

ॐ नमः सिद्धम् ।

साधु साध्वी योग्य प्रतिक्रमणादि सूत्र विधि संग्रह ।

णमो अरिहंताणं, णमो सिद्धाणं, णमो आयरियाणं, णमो उवज्झायाणं, णमो लोए सब्बसाहूणं, एसो पंच णमुक्कारो, सब्ब पावप्पणासणो, मंगलाणं च सब्बेसिं, पढमं हवइ मंगलं, ॥ इति ॥

॥ १ ॥ करेमि भन्ते ॥

करेमिभन्ते सामाइयं । सब्बं सावज्जं जोगं पच्चक्खामि । जावज्जीवाए तिविहं तिविहेणं, मणेणं वायाए काएणं, न करेमि न कारवेमि करंतंपि अन्नं न समणुजाणामि । तस्स भंते पडिक्कामामि निंदामि गरिहामि अप्पाणं वोसिरामि ॥ इति ॥

॥ २ ॥ इच्छामि ठामि ॥

इच्छामि ठामि काउसंगं । जोमे देवसिओ अहयारो कओ । काइओ । वाइओ । माणसिओ । उस्सुत्तो ।

साधुसाध्वी

॥ १ ॥

उम्मग्गो । अकप्पो । अकरणिज्जो । दुज्झाओ दुविच्चित्तिओ । अणायारो । अणिछियव्वो । असमण पाउग्गो । नाणे तह दंसणे चरित्ते । सुए सामाए । तिण्हंगुत्तीणं । चउण्हं कसायाणं । पंचण्हं महव्वयाणं । छण्हंजीव-
निकायाणं । सत्तण्हं पिण्डेसणाणं । अट्टण्णं पवयण माउणं । नवण्हं बंभचेरगुत्तीणं । दसविहे समण धम्मे
समणाणं जोगाणं, जं खंडियं जं विराहियं । तस्स मिच्छामि दुक्कडं ॥ इति ॥

इच्छाकारेण संदिसह भगवन् देवसियं आलोउं । इच्छं । आलोएमि । जोमे देवसिओ अइयारो कओ ॥
बाकी ऊपर प्रमाणे ॥ तथा ॥ इच्छामि पडिक्कमिउं । जोमे देवसिओ अइयारो कओ ॥ बाकी ऊपर प्रमाणे ॥

॥ ३ ॥ दैवसिक अतिचारः ॥

ठाणे कमणे चंकमणे, आउत्ते अणाऊत्ते, हरिय कायसंघटे, बीयकायसंघटे, छप्पइया संघटे, देहरे उपासरे
बाहिरभूमि जावतां आवतां पृथ्वीकाय अप्पकाय तेऊकाय वाऊकाय वनस्पतिकाय बेइंद्री तेइन्द्री चौरिन्द्री
पंचेंद्री जीवप्रते संघट्ट परिताप उपद्रवउपजाओ, देहरे उपासरे जावतां आवतां आवस्सही निस्सही कहेवी
वीसारी, गुरुतणो वचन तहत्ति करी सरदह्यो नहि, मात्रो अविधे परिठव्यो, जो कोई दिवस सम्बन्धि पाप
लाग्यो ते सब्बे हुं मन वचन कायायें करी मिच्छामि दुक्कडं ॥ सब्बस्स वि देवसिय दुच्चित्तिय दुब्भासिय
दुच्चिट्ठिअ, इच्छाकारेण संदिसह, इच्छं । तस्स मिच्छामि दुक्कडं । इति ॥ दैवसिक अतिचारः ॥

प्रतिक्रमण
सूत्र.

॥ १ ॥

॥ ४ ॥ रात्रिक अतिचारः ॥

संधारा उवट्टणकी आउट्टणकी परिअट्टणकी पसारणकी छप्पइया संघट्टणकी अचक्खू विसयकायकी । रात्रिसम्बधि पापदोष लाग्यो, आहट्ट दोहट्ट चिन्तव्यो, आर्त्त रौद्रध्यान ध्यायो, धर्मध्यान शुक्लध्यान ध्यायो नहि, संधारो पाछो वालतां. मात्रो अविधे परिठवतां. जो कोइ रात्रिसम्बन्धि पाप दोष लाग्यो, ते सब्बे हुं मन वचनं कायायें करी तस्स मिच्छामि दुक्कडं ॥ सब्बस्स वि राइअ दुच्चिंतिअ दुब्भासिअ दुच्चिट्ठिअ, इच्छाकारेण संदिस्सह । इच्छं, तस्स मिच्छामि दुक्कडं । इति ॥ रात्रिक अतिचारः ॥

॥ ५ ॥ श्रीश्रमणसूत्र ॥

णमो अरिहंताणं० ॥ करेमि भन्ते सामाइयं० ॥ चत्तारि मंगलं० ॥ इच्छामि पडिक्कमिउं जो मे देवसिओ० । इच्छामि पडिक्कमिउं इरिआवहिआए० ॥ इच्छामि पडिक्कमिउं । पगामसिज्जाए । निगामसिज्जाए । संधारा उवट्टणाए । परिअट्टणाए । आउट्टणपसारणयाए । छप्पइयासंघट्टणाए । कुइए । कक्कराइए । छीए । जंभाइए । आमोसे । ससरक्खामोसे । आउलमाउलाए । सोअणवत्तिआए । इत्थीविप्परिआसिआए । दिट्ठीविप्परिआसिआए । मणविप्परिआसिआए । पाणभोअणविप्परिआसिआए । जो मे देवसिओ अइआरो कओ तस्स मिच्छामि दुक्कडं ॥ पडिक्कमामि गोअरचरिआए भिक्खायरिआए । उग्घाडकवाडउग्घाडणाए । साणावच्छादारासंघट्ट-

साधुसाध्वी

॥ २ ॥

णाए । मंडीपाहुडिआए । बलिपाहुडिआए । ठवणापाहुडिआए । संकिए सहस्सागारे । अणेसणाए पाणभोअणाए ।
 बीअभोअणाए । हरिअभोअणाए । पच्छाकम्मिआए । पुरेकम्मिआए । अदिट्टहडाए । दगसंसट्टहडाए । रयसं-
 सट्टहडाए पारिसाडणिआए । पारिट्टावणिआए । ओहासणभिव्खाए । जं उग्गमेणं । उप्पायणेसणाए । अपरि-
 सुद्धं पडिग्गहिअं । परिभुत्तं वा । जं न परिठविअं तस्स मिच्छामिदुक्कडं ॥ पडिक्कमामि चाउक्कालं सज्झायस्स
 अकरणयाए । उभओ कालं भंडोवगरणस्स अप्पडिलेहणाए । दुप्पडिलेहणाए । अप्पमज्जणाए । दुप्पमज्ज-
 णाए । अइक्कमे । वइक्कमे । अइआरे अणायारे । जो मे देवसिओ अइआरो कओ । तस्स मिच्छामि दुक्कडं ॥
 पडिक्कमामि. एगविहे असंजमे ॥ १ ॥ पडिक्कमामि. दोहिं बंधणेहिं । रागबंधणेणं । दोसबंधणेणं ॥ २ ॥
 पडिक्कमामि. तिहिं दंडेहिं । मणदंडेणं । वयदंडेणं । कायदंडेणं । पडिक्कमामि तिहिं गुत्तीहिं । मणगुत्तीए । वय-
 गुत्तीए । कायगुत्तीए । पडिक्कमामि तिहिं सल्लेहिं । मायासल्लेणं । निआणासल्लेणं । मिच्छादंसणसल्लेणं । पडि-
 क्कमामि तिहिं गारवेहिं । इट्ठीगारवेणं । रसगारवेणं । सायागारवेणं । पडि० । तिहिं विराहणीहिं । नाण विरा-
 हणाए । दंसण विराहणाए । चरित्त विराहणाए । पडि० । चउहिं कसाएहिं । कोहकसाएणं । माणकसाएणं माया-
 कसाएणं । लोभकसाएणं । पडि० । चउहिं सन्नाहिं । आहारसन्नाए । भयसन्नाए । मेहुणसन्नाए । परिग्गहसन्नाए ।
 पडि० । चउहिं विकहाहिं । इत्थिकहाए । । भत्तकहाए । देसकहाए । रायकहाए । पडि० । चउहिं ज्ञाणेहिं ।

प्रतिक्रमण
सूत्र.

॥ २ ॥

अट्टेणं ज्ञाणेणं । रुहेणं ज्ञाणेणं । धम्मेणं ज्ञाणेणं । सुक्केणं ज्ञाणेणं । पडि० । पंचहिं किरिआहिं । काइआए ।
 अहिगरणियाए । पाऊसिआए । पारितावणिआए । पाणाइवायकिरिआए । प० । पंचहिं कामगुणेहिं । स-
 हेणं । रुवेणं । रसेणं । गंधेणं । फासेणं । प० । पंचहिं महव्वएहिं । पाणाइवायाओ वेरमणं । मुसावायाओ
 वेरमणं । अदिन्नादाणाओ वेरमणं । मेहुणाओ वेरमणं । परिग्गहाओ वेरमणं । प० । पंचहिं समिइएहिं । इ-
 रिआसमिइए । भासासमिइए । एसणासमिइए । आयाणभंडमत्तनिख्वेवणासमिइए । उच्चारपासवणखेलजल्लं-
 सिंघाणपारिट्टावणिआसमिइए । प० । छहिं जीवनिकाएहिं । पुढविकाएणं । आउकाएणं । तेउकाएणं । वाउका-
 एणं । वणस्सइकाएणं । तसकाएणं । प० । छहिं लेसाहिं । किणहलेसाए । नीललेसाए । काउलेसाए । तेउलेसाए ।
 पम्हलेसाए । सुक्कलेसाए । प० । सत्तहिं भयट्टाणेहिं । अट्टहिं मयट्टाणेहिं । नवहिं बंभचेर गुत्तिहिं । दसविहे स-
 मण धम्मे । इगारसहिं उवासगपडिमाहिं । बारसहिं भिक्खुपडिमाहिं । तेरसहिं किरिआठाणेहिं । चउदसहिं
 भूअगामेहिं । पन्नरसहिं परमाहम्मिएहिं । सोलसहिं गाहासोलसएहिं । सत्तरसविहे असंजमे । अठारसविहे
 अबंभे । एगुणवीसाए नायज्झयणेहिं । वीसाए असमाहिठाणेहिं । एक्कवीसाए सबलेहिं । बावीसाए परीसहेहिं ।
 तेवीसाए सुअगडज्झयणेहिं चउवीसाए देवेहिं (अरिहंतेहिं) । पणवीसाए भावणाहिं । छव्वीसाए दसा कप्पव-
 वहाराणं उहेसणकालेहिं । सत्तावीसाए अणगारगुणेहिं । अट्टावीसाए आचारपकप्पेहिं । एगुणतीसाए पावसु

साधुसाध्वी

॥ ३ ॥

अपसंगेहिं । तीसाए मोहणीअठाणेहिं । इगतीसाए सिद्धाइगुणेहिं । बत्तीसाए जोग संगहेहिं । तित्तीसाए
 आसायणाए । अरिहंताणं आसायणाए । सिद्धाणं आसायणाए । आयरिआणं आसायणाए । उवझायाणं
 आसायणाए । साहूणं आसायणाए । साहुणीणं आसायणाए । सावयाणं आसायणाए । सावियाणं आ-
 सायणाए । देवाणंआसायणाए । देवीणं आसायणाए । इहलोगस्स आसायणाए । परलोगस्स आसाय-
 णाए । केवलिपन्नत्तस्सधम्मस्स आसायणाए । सदेवमणुआसुरस्स लोगस्स आसायणाए । सब्बपाण-
 भूअजीवसत्ताणं आसायणाए । कालस्स आसायणाए । सुअस्स आसायणाए । सुअदेवयाए आसायणाए ।
 वायणारिअस्स आसायणाए । जं वाइद्धं वच्चाभेलिअं । हीणक्खरं । अच्चक्खरं । पयहीणं । विणयहीणं ।
 घोसहीणं । जोगहीणं । सुट्ठुदिन्नं । दुट्ठु पडिच्छियं । अकाले कओ सझाओ । काले न कओ सझाओ ।
 असझाइए सझाइअं । सझाइए न सझाइअं । तस्स मिच्छामि दुक्कडं ॥ नमो चउवीसाए तित्थयराणं । उसभाइ
 महावीर पज्जवसाणाणं । इणमेव निग्गंथं पावयणं सच्चं अणुत्तरं । केवलिअं । पडिपुन्नं । नेआउअं । संसुद्धं ।
 सह्लगत्तणं । सिद्धिमग्गं । मुत्तिमग्गं । निज्जाणमग्गं । निब्बाणमग्गं । अवितहमविसंधिं । सब्बदुक्खप्पही-
 णमग्गं । इत्थं ठिआ जीवा । सिज्झंति । बुज्झंति । मुच्चंति । परिनिब्बायंति । सब्बदुक्खाणमंतं करंति । तं धम्मं
 सहहामि । पत्तिआमि । रोएमि । फासेमि । पालेमि । अणुपालेमि । तं धम्मं सहहंतो । पतिअंतो । रोअंतो । फा-

प्रतिक्रमण
सूत्र.

॥ ३ ॥

संतो । पालंतो । अणुपालंतो । तस्स धम्मस्सं केवलपन्नत्तस्स । अब्भुट्ठिओमि । अराहणाए विरओमि विराहणाए । असंजमं परिआणामि, संजमं उवसंपज्जामि । अबंभं परिआणामि, बंभं उवसंपज्जामि । अकप्पं परिआणामि । कप्पं उवसंपज्जामि । अन्नाणं परिआणामि, नाणं उवसंपज्जामि । अकिरिअं परिआणामि, किरिअं उवसंपज्जामि । मिच्छत्तं परिआणामि, सम्मतं उवसंपज्जामि । अबोहिं परिआणामि, बोहिं उवसंपज्जामि । अमग्गं परिआणामि, मग्गं उवसंपज्जामि । जं संभरामि, जं च न संभरामि । जं पडिक्कमामि, जं च न पडिक्कमामि । तस्स सब्बस्स देवसिअस्स अईआरस्स पडिक्कमामि । समणो हं संजय-विरय-पडिहय पच्चक्खाण पावकम्मे । अनिआणोदिट्ठिसंपन्नो मायामोसं विवज्जिओ ॥ अट्ठाइज्जेसु दीवसमुद्देशु । पन्नरससु कम्मभूमीसु । जावंति केवि साहू । रयहरण गुच्छ पडिग्गह धारा । पंचमहव्वयधारा । अठारसहस्ससीलंगधारा । अक्खआयारचरित्ता ते सब्बे सिरसा मणसा मत्थएण वंदामि ॥ खामेमि सब्बजीवे, सब्बे जीवा खमंतु मे ॥ मित्ती मे सब्बमुएसु, वेरं मज्झ न केणई ॥ १ ॥ एवमहं आलोइअ निंदिअ गरहिय दुगंछिअं ॥ सम्मं तिविहेण पडिक्कंतो वंदामि जिणे चउव्वीसं ॥ २ ॥ इति ॥ साधु प्रतिक्रमण सूत्रम् ॥

॥ ६ ॥ पाक्षिक अतिचारः ॥

नाणंमि दंसणंमिअ । चरणंमि तवंमि तहय विरयंमि ॥ आघरणं आयारो । इय एसो पंचहा भणिओ ॥ १ ॥

साधुसाध्वी

॥ ४ ॥

ज्ञानाचार, दर्शनाचार, चारित्राचार, तपाचार, वीर्याचार, ए पंचविध आचार मांहे, जे कोइ अतिचार पक्ष दिवस-
मांहे सूक्ष्म बादर जाणतां अजाणतां हुओ होय ते सवि हुं मन वचन कायाए करी मिच्छामि दुक्कडं ॥ १ ॥
तत्र ज्ञानाचारे आठ अतिचार ॥ काले विणए बहुमाणे। उवहाणे तहय निन्हवणे ॥ वंजण अत्थ तदुभए। अठ-
विहो नाणमायारो ॥ २ ॥ ज्ञानकालवेलामांहे, पढ्यो गुण्यो परावर्यो नहीं, अकाले पढ्यो विनयहीन बहुमा-
नहीन योगोपधानहीन अनेरा कन्हे पढ्यो, अनेरो गुरु कह्यो, देववंदण वांदणे पडिक्कमणे सज्झाय करतां प-
ढतां गुणतां कूडो अक्षर कानें मात्रें आगलो ओछो भण्यो गुण्यो, सूत्रार्थ तदुभय कूडां कह्यां, काजो अण-
उधर्यो डांडा अणपडिलेह्यां वस्ति अणसोध्यां अणपवेयां असज्झाइ अणोझा कालवेला माहीं श्रीदशवैका-
लिक प्रमुखसिद्धान्त पढ्यो गुण्यो परावर्यो अविधे योगोपधान कीधा कराव्या, ज्ञानोपगरण पाटी पोथी
ठवणी कबली नोकरवाली सांपडा सांपडी दस्तरी वही कागल ओलिआ प्रते पग लाग्यो, थूक लाग्यो,
थूके अक्षर भांज्यो, ज्ञानवंतप्रते प्रद्वेष मच्छरवह्यो अंतराय अवज्ञा आशातना कीधी, कुणहिप्रते तोतलो बो-
बडो देखी हस्यो वितक्यो, मतिज्ञान श्रुतज्ञान अवधिज्ञान मनपर्यवज्ञान केवलज्ञान, ए पांच ज्ञान तणी आ-
शातना कीधी। ज्ञानाचार विषइओ अनेरो जे कोइ अतिचार० पक्ष दिवस मांहे सूक्ष्म बादर जाणतां
अजाणतां हुओ होय ते सवि हुं मन० ॥ २ ॥

प्रतिक्रमण
सूत्र.

॥ ४ ॥

दर्शनाचारे आठ अतिचार ॥ निस्संकिअ निक्कंखिअ । निव्वित्तिगिच्छा अमूढदिट्ठीअ ॥ उवबूहथिरीकरणे । वच्छल्लपभावणे अट्ट ॥ २ ॥ देवगुरु धर्मतणे विषे निस्संकपणो न कीधो, तथा एकान्तनिश्चय धन्यो नहीं, धर्म संबंधिआ फलतणे विषे निस्संदेह बुद्धिधरी नहीं, साधुसाध्वी तणी निंदा जुगुप्सा कीधी, मिथ्यात्वीतणी पूजाप्रभावना देखी । संघमाहे गुणवंत तणी अनुपबृंहणा अस्थिरीकरण, अवात्सल्य, अप्रीति अभक्ति निपजावी । तथा देवद्रव्य गुरुद्रव्य भक्षित उपेक्षित प्रज्ञापराधे विणास्यो, विणसंतो उवेख्यो, छतीशक्ति सारसंभाल न कीधी, ठवणायरिय हाथथकी पाड्यो, पडिलेहवो विसान्यो, जिनभुवनतणी चोरासी आशातना । गुरु प्रते तेत्तीस आशातना कीधी । दर्शनाचार विषइओ अनेरो जे कोइ अतिचार० ॥ ३ ॥

चारित्राचारे आठ अतिचार ॥ पणिहाण जोगजुत्तो । पंचहिं समिइहिं तिहिं गुत्तिहिं ॥ एस चरित्तायारो । अट्टविहो होइ नायव्वो ॥४॥ इरियासमिति, भासासमिति, एषणासमिति, आदान भंडमत्त निक्षेपणासमिति, पारिट्ठावणियासमिति, मनोगुप्ति वचनगुप्ति कायगुप्ति, ए अष्ट प्रवचन माता रूडीपरेपाली नहीं । साधुतणे धर्मे सदैव । श्रावकतणे धर्मे सामाधिक पोसह लीधे, जे कोई खंडन विराधना कीधी होय । चारित्राचार विषइओ अनेरा जे कोइ अतिचार० ॥ ४ ॥

साधुसाध्वी

॥ ५ ॥

विशेषतः चारित्र्याचारे तपोधनतणे धर्मे ॥ वयच्छकं कायच्छकं । अकम्पो गिहिभायणं ॥ पलिअंक निसिजाय ।
सिणाणं सोभवज्जणं ॥ ५ ॥

व्रतषट्के ॥ पहिले महाव्रते प्राणातिपात सूक्ष्म वादर त्रस थावर जीवतणी विराधनाहुई । बीजे महाव्रतें क्रोध
लोभ भय हास्य लगें जूठो बोल्यो । तीजे अदत्तादान विरमणमहाव्रते । सामिजीवादत्तं-तित्थयरअदत्तंतहे-
वय गुरुहिं ॥ एवमदत्तं चउहा पण्णत्तं वीयरएहिं ॥ १ ॥ स्वामिअदत्त, जीवअदत्त, तीर्थंकरअदत्त । गुरुअदत्त,
ए चतुर्विध अदत्तादानमांहिजेकांइ अदत्तपरिभोगव्यो ॥ चोथे महाव्रते ॥ वसहीकहनिसिज्जिंदिय, कुड्ढितर पुव्व
कीलिएपणिए ॥ अइमायाहार विभूसणाइं । नववंभचरेगुत्तिओ ॥ २ ॥ ए नव वाडी सुधी पाली नहीं, सुहणे
स्वप्नान्तरे दृष्टि विपर्यास हुओ । पंचमे महाव्रते धर्मोपगरणने विषे इच्छा मूर्छा गृद्धि आसक्ति धरी, अधिको
उपगरण बावयो, पर्व तिथी पडिलेहवो विसान्यो । छठे रात्री भोजन विरमण व्रते असूरो पाणी कीधो छारो-
द्धार आव्यो, पात्रे पात्राबंधे तक्रादिकनो छांटो लाग्यो, खरड्यो रह्यो लेप तेल ओषधादिकतणो संनिधि रह्यो
अतिमात्रायें आहार लीधो ॥ ए छण व्रत विषइओ अनेरो जे कोई अतिचार पक्ष० सूक्ष्म वादर जाणतां० ॥६॥

कायषट्के ॥ गामतणे पइसारे निसारे पगपडिलेहवा विसान्या, माटी मीटुं खडी धावडी अरणेटो पाषा-
णतणी चातली ऊपर पग आव्यो, अपकाय वाधारी फूसणा हुवा विहरवा गया ऊलखो हाल्यो लोटो ढोल्यो

प्रतिक्रमण
सूत्र.

॥ ५ ॥

काचा पाणी तणा छांटा लाग्या । तेउकायं बीज दीवातणी उजेही हुई । वाउकाय उघाडे मुखे बोल्या महावाय वाजतां कपडा कांबली तणा छेडा साचव्या नहीं फूक दीधी । वनस्पतिकाय नीलफूल सेवाल थुड फूड फल फूल वृक्षशाखा प्रशाखा तणा संघट्ट परंपर निरंतर हुवा । त्रसकाय बेइंद्री तेइंद्री चउरिंद्री पंचेंद्री काग बग उडाव्या, ढोर त्रासव्यां, बालक बीहाव्यां ॥ षट्काय विषइओ अनेरो जे कोइ अतिचार० ॥ ७ ॥

अकल्पनीय सज्ज्ञा वस्त्र पात्र पिंड परिभोगव्यो । सिज्जातरतणो पिंड परिभोगव्यो । उपयोग कीधो पाखे विहर्यो, धात्रीदोष, त्रस बीज संसक्त पूर्वकर्म पश्चात्कर्म उद्गम उत्पादना दोष चिंतव्या नहीं, गृहस्थतणो भाजन भांज्यो फोड्यो वली पाछो आप्यो नहीं, सूतां संथारिया उत्तरपट्टा टलतो अधिको उपगरण वावर्यो, देशतः स्नान मुखे भीनो हाथ लगाड्यो, सर्वतः स्नानतणी वांछा कीधी, शरीरतणो मल फेड्यो, केश रोम नख समार्या अनेरी कांई राढा विभूषा कीधी अकल्पनीय पिंडादि विषइओ अनेरो जे कोइ० ॥ ८ ॥

आवस्सय सज्ज्ञाए, पडिलेहणज्ज्ञाण भिक्ख अभत्तट्टे ॥ आगमणे नीगमणे ठाणे निसिअणे तु अट्टे ॥ १ ॥ आवश्यक उभयकाल व्याक्षिस चित्तपणे पडिक्कमणो कीधो, पडिक्कमणा मांहि उंघ आवी, बेठां पडिक्कमणुं कीधुं दिवसप्रते चार वार सज्ज्ञाय सातवार चैत्यवंदन न कीधां, पडिलेहणा आघी पाछी भणावी अस्तो व्यस्त कीधी आर्त रौद्र ध्यान ध्यायां, धर्मध्यान शुक्लध्यान ध्यायां नहीं, गोचरी गयां बेतालीश दोष उपजता चिंतव्या नहीं

साधुसाध्वी

॥ ६ ॥

छती शक्तिए पर्व तिथीए उपवासादिक कीधो नही । उपासरा देहरामांहि पेसतां निस्सिही नीरसतां आव-
स्सही कहेवी विसारी, इच्छामिच्छादिक दशविध चक्रवाल समाचारी साचवी नहीं । गुरुतणो वचन तहत्ति-
करी पडिवज्यो नहीं । अपराध आव्यां मिच्छामि दुक्कडं दीधो नही । स्थानके रहेतां हरियकाय बीयकाय कीडी
तणां नगरां सोध्यां नही । ओघो मुहपत्ति चोलपट्टो संघट्टो स्त्री तीर्यचतणा संघट्ट अनंतर परंपर हूवा । बडा-
प्रते पसाओ करी लहुडाप्रतें इच्छाकार इत्यादिक विनय सांचव्यो नहिं ॥ साधुसमाचारि वि० अ० पक्षि० सु०
बा० जाणतां अजा० हुओ ते सवि हुं मन वचन कायायें करी मिच्छामि दुक्कडं ॥ ९ ॥ इति ॥ साधु अतिचार ॥

॥ ७ ॥ पाक्षिकसूत्र. ॥

तित्थंकरे अ तित्थे, अतित्थसिद्धे अ तित्थसिद्धे अ । सिद्धे अ जिणे अ रिसि, महरिसि नाणं च वंदामि ॥ १ ॥
जे इमं गुणं रयण सायर, मविराहिऊण तिण्णसंसारा ॥ ते मंगलं करित्ता, अहमवि आराहणाभिमुहो ॥ २ ॥ मम
मंगलमरिहंता, सिद्धा साहू सुअं च धम्मो अ । खंती गुत्ति मुत्ती, अज्जवया महवं चेव ॥ ३ ॥ लोगम्मि संजया जं
करिंति, परमरिसिदेसियमुआरं । अहमवि उवट्टिओ तं, महव्वय उच्चारणं काउं ॥ ४ ॥ से किं तं महव्वय उ-
च्चारणा ? महव्वयउच्चारणा पंचविहा पण्णत्ता ॥ राइभोअणवेरमणछट्टा । तंजहा । सव्वाओ पाणाइवायाओ वेरमणं

प्रतिक्रमण
सूत्र.

॥ ६ ॥

॥ १ ॥ सव्वाओ मुसावायाओ वेरमणं ॥२॥ सव्वाओ अदिन्नादाणाओ वेरमणं ॥ ३ ॥ सव्वाओ मेहुणाओ वेर
मणं ॥ ४ ॥ सव्वाओ परिग्गहाओ वेरमणं ॥ ५ ॥ सव्वाओ राइभोअणाओ वेरमणं ॥ ६ ॥

तत्थ खलु । पढमे भंते ! महव्वए पाणाइवायाओ वेरमणं । सव्वं भंते ! पाणाइवायं पच्चक्खामि । से सुहुमं वा
। १ । बायरं वा । २ । तसं वा । ३ । थावरं वा । ४ । नेव सयं पाणे अइवाइज्जा । नेवनेहिं पाणे अइवायाविज्जा,
पाणे अइवायंते वि अत्ते न समणुजाणामि । जावज्जीवाए तिविहं तिविहेणं मणेणं वायाए काएणं न करेमि,
न कारवेमि, करंतं पि अन्नं न समणुजाणामि । तस्स भंते ! पडिक्कमामि, निंदामि, गरिहामि, अप्पाणं वोसिरामि ।
से पाणाइवाए चउव्विहे पण्णत्ते । तं जहा । दव्वओ । १ । खित्तओ । २ । कालओ । ३ । भावओ । ४ । दव्वओ
णं पाणाइवाए छसु जीवनिकाएसु । खित्तओ णं पाणाइवाए सव्वलोए । कालओ णं पाणाइवाए दिआ वा,
राओ वा । भावओ णं पाणाइवाए रागेण वा, दोसेण वा । जं पि य मए इमस्स धम्मस्स केवल्लिपण्णत्तस्स । अहिं-
सालक्खणस्स । सच्चाहिट्ठिअस्स । विणयमूलस्स । खंतिप्पहाणस्स । अहिरण्णसोवन्निअस्स । उवसमप्पभवस्स ।
नवबंभचेरगुत्तस्स । अपयमाणस्स । भिक्खावित्तिअस्स । कुक्खिसंबलस्स । निरग्गिसरणस्स । संपक्खा-
लिअस्स । चत्तदोसस्स । गुणग्गाहिअस्स । निव्विआरस्स । निव्वित्तिलक्खणस्स । पंचमहव्वयजुत्तस्स । असं-
निहिसंचयस्स । अविंसंवाइअस्स । संसारपारगामिअस्स । निव्वाणगमणपज्जवसाणफलस्स । पुब्बि अन्नाण-

साधुसाध्वी

॥ ७ ॥

याए । असवणयाए । अबोहिआए । अणभिगमेणं । अभिगमेण वा । पमाएणं रागदोसपडिबद्धआए । बाल-
याए । मोहयाए । मंडयाए । किडुयाए । तिगारवगुरुआए । चउक्कसाओवगएणं । पंचिदिअवसट्टेणं । पडिपुल्ल-
भारिआए । सायासुक्खमणुपालयंतेणं । इहं वा भवे, अत्तेसु वा भवग्गहणेसु पाणाइवाओ कओ वा । का-
राविओ वा । कीरंतो वा परेहिं समणुत्ताओ । तं निंदामि । गरिहामि । तिविहं तिविहेणं मणेणं, वायाए, का-
एणं अईअं निंदामि । पडुप्पन्नं संवरेमि । अणागयं पच्चक्खामि । सव्वं पाणाइवायं जावज्जीवाए । अणिरिसओ हं ।
नेव सयं पाणे अइवाइज्जा । नेवत्तेहिं पाणे अइवायाविज्जा । पाणे अइवायंते वि अत्ते न समणुजाणिज्जा । तं
जहा । अरिहंतसक्खिअं । सिद्धसक्खिअं । साहूसक्खिअं । देवसक्खिअं । अप्पसक्खिअं । एवं हवइ
भिकखू वा, भिकखुणी वा संजयविरयपडिहयपच्चक्खायपावकम्मे । दिआ वा, राओ वा, एगओ वा, परि-
सागओ वा, सुत्ते वा, जागरमाणे वा । एस खलु पाणाइवायस्स वेरमणे हिए, सुहे, खमे, निस्सेसिए, आणु-
गामिए, पारगामिए । सव्वेसिं पाणाणं, सव्वेसिं भूआणं, सव्वेसिं जीवाणं, सव्वेसिं सत्ताणं अदुक्खणयाए ।
असोअणयाए । अजूरणयाए । अतिप्पणयाए । अपीडणयाए । अपरिआवणयाए । अणुइवणयाए । महत्थे, म-
हाणुणे, महाणुभावे, महापुरिसाणुचिन्ने । परमरिसिदेसिए पसत्थे । तं दुक्खक्खयाए । कम्मक्खयाए । मुक्खयाए ।
बोहिलाभाए । संसारुत्तारणाए । तिकट्टु । उवसंपज्जित्ता णं विहरामि । पढमे भंते ! महव्वए उवट्ठिओ मि सव्वाओ

प्रतिक्रमण
सूत्र.

॥ ७ ॥

पाणाहवायाओ वेरमणं ॥ १ ॥

अहावरे दोच्चे भंते ! महब्धए मुसावायाओ वेरमणं । सव्वं भंते ! मुसावायं पच्चक्खामि । से कोहा वा । १ । लोहा वा । २ । भया वा । ३ । हासा वा । ४ । नेव सयं मुसं वएज्जा । नेवत्तेहिं मुसं वायाविज्जा । मुसं वयंते वि अन्ने न समणुजाणामि । जावज्जीवाए तिविहं तिविहेणं मणेणं वायाए काएणं न करेमि, न कारवेमि, करंतं पि अन्नं न समणुजाणामि । तस्स भंते ! पडिक्कमामि । निंदामि । गंरि हामि । अप्पाणं वोसिरामि । से मुसावाए चउव्विहे पणत्ते । तं जहा । दव्वओ । १ । खित्तओ । २ । कालओ । ३ । भावओ । ४ । दव्वओ णं मुसावाए सव्वदव्वेसु । खित्तओ णं मुसावाए लोए वा, अलोए वा । कालओ णं मुसावाए दिआ वा, राओ वा । भावओ णं मुसावाए रागेण वा, दोसेण वा । जं पि य मए इमस्स धम्मस्स. केवलपणत्तस्स । अहिंसालक्खणस्स । सच्चाहिट्ठिअस्स । विणयमूलस्स । खंतिप्पहाणस्स । अहिरण्णसोवणियस्स । उवसमप्पभवस्स । नववंभचेरगुत्तस्स । अपयमाणस्स । भिक्खावित्तिअस्स । कुक्खिसंबलस्स । निरग्गिसरणस्स । संपक्खालिअस्स । चत्तदोसस्स । गुणग्गाहिअस्स । निव्विआरस्स । निव्वित्तिलक्खणस्स । पंचमहब्बयजुत्तस्स । असंनिहिसंचयस्स । अविंसंवाइअस्स । संसारपारगामिअस्स । निव्वाणगमणपज्जवसाणफलस्स । पुट्ठिअन्नाणयाए । असवणयाए । अबोहियाए । अणभिगमेणं । अभिगमेण वा । पमाएणं राग-

साधुसाध्वी

॥ ८ ॥

दोसपडिबद्धयाए । बालयाए । मोहयाए । मंदयाए । किडुयाए । तिगारवगुरुआए । चउकसाओवगएणं । पंचि-
 दिअवसट्टेणं । पडिपुण्ण भारियाए । सायासुकखमणुपालयंतेणं । इहं वा भवे, अन्नेसु वा भवग्गहणेसु मुसा-
 वाओ भासिओ वा । भासाविओ वा । भासिजंतो वा परेहिं समणुत्ताओ तं निंदामि । गरिहामि । तिविहं
 तिविहेणं मणेणं, वायाए, काएणं अईअं निंदामि । पडुपन्नं संवरेमि । अणागयं पच्चक्खामि । सब्वं मुसावायं
 जावज्जीवाए । अणिसिओ हं । नेव सयं मुसं वइज्जा । नेवनेहिं मुसं वायाविज्जा । मुसं वयंते वि अन्ने न सम-
 णुजाणिज्जा । तं जहा । अरिहंतसक्खिअं । सिद्धसक्खिअं । साहूसक्खिअं । देवसक्खिअं । अप्पसक्खिअं ।
 एवं हवइ भिक्खू वा, भिक्खुणी वा, संजय-विरय-पडिहय-पच्चक्खायपावकम्मे । दिआ वा, राओ वा,
 एगओ वा, परिसागओ वा, सुत्ते वा, जागरमाणे वा । एस खलु मुसावायस्स वेरमणे हिए । सुहे । खमे ।
 निस्सेसिए । आणुगामिए । पारगामिए । सब्वेसिं पाणाणं । सब्वेसिं भूआणं । सब्वेसिं जीवाणं । सब्वेसिं
 सत्ताणं । अट्टुक्खणयाए । असोअणयाए । अजूरणयाए । अतिप्पणयाए । अपीडणयाए । अपरिआवणयाए ।
 अणुद्वणयाए । महत्थे । महागुणे । महाणुभावे । महापुरिसाणुचिन्ने । परमरिसिदेसिए पसत्थे । तं दुक्खक्ख-
 याए । कम्मक्खयाए । मुक्खयाए । बोहिलाभाए । संसारुत्तारणाए । तिकट्टु । उवसंपज्जित्ता णं विहरामि ।
 दोचे भंते ! महव्वए उवट्ठिओ मि सब्वाओ मुसावायाओ वेरमणं ॥ २ ॥

प्रतिक्रमण
सूत्र.

८ ॥

अहावरे तच्चे भंते ! महव्वए अदिन्नादाणाओ वैरमणं । सव्वं भंते ! अदिन्नादाणं पच्चक्खामि । से गामे वा । १ । नगरे वा । २ । अरण्णे वा । ३ । अप्पं वा । ४ । वहुं वा । ५ । अणुं वा । ६ । थूलं वा । ७ । चित्तमंतं वा । ८ । अचित्तमंतं वा । ९ । नेव सयं अदिन्नं गिण्हिज्जा । नेवत्तेहिं अदिण्णं गिण्हाविज्जा । अदिण्णं गिण्हंते वि अच्चे न समणुज्जणामि । जावज्जीवाए तिविहं तिविहेणं मणेणं, वाघाए, काएणं न करेमि । न कारवेमि । करंतं पि अन्नं न समणुजाणामि । तस्स भंते ! पडिक्कमामि । निंदामि । गरिहामि । अप्पाणं वोसिरामि ॥ से अदि-
 ण्णादाणे चउव्विहे पणत्ते । तं जहा । दव्वओ । १ । खित्तओ । २ । कालओ । ३ । भावओ । ४ । दव्वओ णं अदिन्नादाणे गहणधारणिज्जेसु दव्वेसु । खित्तओ णं अदिन्नादाणे गामे वा, नगरे वा, अरण्णे वा । कालओ णं अदिन्नादाणे दिआ वा, राओ वा । भावओ णं अदिन्नादाणे रागेण वा, दोसेण वा । जं पि य मए इमस्स धम्मस्स केवलपन्नत्तस्स । अहिंसा लक्खणस्स । सच्चाहिट्ठिअस्स । विणयमूलस्स । खंतिप्पहाणस्स । अहिरण्णसोवणि-
 यस्स । उवसमप्पभवस्स । नववंभचेरगुत्तस्स । अपयमाणस्स । भिक्खावित्तियस्स । कुक्खिसंबलस्स । नि-
 रग्गिसरणस्स । संपक्खालियस्स । चत्तदोसस्स । गुणग्गाहियस्स । निव्विआरस्स । निव्वित्तिलक्खणस्स ।
 पंचमहव्वयजुत्तस्स । असंनिहिसंचयस्स । अविंसंवाइयस्स । संसारपारगामिअस्स । निव्वानगमणपज्जवसाण-
 फलस्स । पुव्विं अन्नाणयाए । असवणयाए । अबोहियाए । अणभिगमेणं । अभिगमेण वा । पमाएणं राग-

साधुसाध्वी

॥ ९ ॥

दोसपडिबद्धआए । बालआए । मोहयाए । मंदयाए । किडुयाए । तिगारवगुरुआए । चउकसाओवगणं । पंचिंदिअवसट्टेणं । पडिपुण्णं भारियाए । सायासुक्खमणुपालयंतेणं । इहं वा भवे, अत्तेसु वा भवग्गहणेसु । अदिन्नादाणं गहिअं वा । गाहाविअं वा । घिप्पंतं वा परेहिं समणुत्ताओ । तं निंदामि । गरिहामि । तिविहं तिविहेणं मणेणं, वायाए, काएणं अईअं निंदामि । पडुप्पण्णं संवरेमि, अणागयं पच्चक्खामि सब्बं अदिन्नादाणं । जावज्जीवाए । अणिसिओ हं । नेव सयं अदिन्नं गिण्हज्जा । नेवत्तेहिं अदिन्नं गिण्हविज्जा । अदिन्नं गिण्हंते वि अत्ते न समणुजाणिज्जा । तं जहा । अरिहंतसक्खिअं । सिद्धसक्खिअं । साहूसक्खिअं । देवसक्खिअं । अप्पसक्खिअं । एवं हवइ भिक्खू वा, भिक्खुणी वा । संजयविरयपडिहय-पच्चक्खाय-पावकम्मे । दिआ वा, राओ वा, एगओ वा, परिसागओ वा, सुत्ते वा, जागरमाणे वा । एस खलु अदिन्नादाणस्स वेरमणे हिए । सुहे । खमे । निस्सेसिए । आणुगामिए । पारगामिए । सब्बेसिं पाणाणं । सब्बेसिं भूआणं । सब्बेसिं जीवाणं । सब्बेसिं सत्ताणं । अहुक्खणयाए । असोअणयाए । अजूरणयाए । अतिप्पणयाए । अपीडणयाए । अयरिआवणयाए । अणुहवणयाए । महत्थे । महागुणे । महाणुभावे । महापुरिसाणुचिण्णे । परमरिसिदेसिए पसत्थे । तं दुक्खक्खयाए । कम्मक्खयाए । मुक्खयाए । बोहिलाभाए । संसारुत्तारणाए । तिकहु । उवसंपज्जित्ता णं विहरामि । तच्चे भंतं ! महव्वए उवट्ठिओ मि सब्बाओ अदिन्नादाणाओ वेरमणं ॥ ३ ॥

प्रतिक्रमण
सूत्र.

॥ ९ ॥

अहावरे चउत्थे भंते ! महव्वए मेहुणाओ वेरमणं । सव्वं भंते ! मेहुणं पच्चक्खामि । से दिव्वं वा । १ । माणुसं वा । २ । तिरिक्खजोणिअं वा । ३ । नेव सयं मेहुणं सेविज्जा । नेवन्नेहिं मेहुणं सेवाविज्जा । मेहुणं सेवते वि अन्ने न समणुजाणामि । जावज्जिवाए । तिविहं तिविहेणं मणेणं, वायाए, काएणं न करेमि । न कारवमि । करंतं पि अन्नं न समणुजाणामि । तस्स भंते ! पडिक्कमामि । निंदामि । गरिहामि । अप्पाणं वोसिरामि ॥ से मेहुणे चउव्विहे पणत्ते । तै जहा । दव्वओ । १ । खित्तओ । २ । कालओ । ३ । भावओ । ४ । दव्वओ णं मेहुणे रूवेसु वा, रूव-सहगएसु वा । खित्तओ णं मेहुणे उड्डलोए वा, अहोलोए वा, तिरियलोए वा । कालओ णं मेहुणे दिआ वा, राओ वा । भावओ णं मेहुणे रागेण वा, दोसेण वा । जं पि ए मए इमस्स धम्मस्स केवल्लिपणत्तस्स । अहिंसा-लक्खणस्स । सच्चाहिट्ठिअस्स । विनयमूलस्स । खंतिप्पहाणस्स । अहिरन्नसोवन्निअस्स । उवसमप्पभवस्स । नववंभचेरगुत्तस्स । अपयमाणस्स । भिक्खावित्तिअस्स । कुक्खिसंबलस्स । निरग्गिसरणस्स । संपक्खा-लिअस्स । चत्तदोसस्स । गुणग्गाहिअस्स । निव्विआरस्स । निव्वित्तिलक्खणस्स । पंचमहव्वयजुत्तस्स । असंनिहिसंचयस्स । अविंसंवाइअस्स । संसारपारगामिअस्स । निव्वाणगमणपज्जवसाणफलस्स । पुव्विअन्नाणयाए । असवणयाए । अबोहियाए । अणभिगमेणं । अभिगमेण वा । पमाएणं रागदोसपडिबद्धयाए । बालयाए । मोहयाए । मंदयाए । किड्डयाए । तिगारवगुरुआए । चउक्कसाओवगएणं । पंचिंदिअवसट्ठेणं । प-

साधुसाध्वी

॥ १० ॥

डिपुण्णं भारियाए । सायासुक्खमणुपालयंतेणं । इहं वा भवे, अन्नेसु वा भवग्गहणेसु । मेहुणं सेविअं वा ।
 सेवाविअं वा । सेविज्जंतं वा परेहिं समणुत्ताओ । तं निंदामि । गरिहामि । तिविहं तिविहेणं मणेणं, वायाए,
 कायेणं अईयं निंदामि । पडुप्पन्नं संवरेमि । अणागयं पच्चक्खामि । सब्बं मेहुणं जावज्जीवाए । अणिस्सओ हं ।
 नेव सयं मेहुणं सेविज्जा । नेवन्नेहिं मेहुणं सेवाविज्जा । मेहुणं सेवंते वि अन्ने न समणुजाणिज्जा । तं जहा । अरि-
 हंतसक्खिअं । सिद्धसक्खिअं । साहुसक्खिअं । देवसक्खिअं । अप्पसक्खिअं । एवं हवइ भिक्खू वा,
 भिक्खुणी वा । संजयविरयपडिहयपच्चक्खाय-पावकम्मे । दिआ वा, राओ वा, एगओ वा, परिसागओ वा, सुत्ते
 वा, जागरमाणे वा । एस खल्लु मेहुणस्स वेरमणे हिये । सुहे । खमे । निस्सेसिए । आणुगामिए । पारगामिए
 सब्बेसिं पाणाणं । सब्बेसिं भूआणं । सब्बेसिं जीवाणं । सब्बेसिं सत्ताणं । अडुक्खणयाए । असोअणयाए ।
 अजूरणयाए । अतिप्पणयाए । अपीडणयाए । अपरिआवणयाए । अणुहवणयाए । महत्थे । महागुणे । महाणु-
 भावे । महापुरिसाणुचिन्ने । परमरिसिदेसिए पसत्थे । तं दुक्खक्खयाए । कम्मक्खयाए । सुक्खयाए । बोहि-
 लाभाए । संसारुत्तारणाए । तिकट्टु । उवसंपज्जित्ता णं विहरामि । चउत्थे भंते ! महव्वए उवट्ठिओ मि सब्बाओ-
 मेहुणाओ वेरमणं ॥ ४ ॥

अहावरे पंचमे भंते ! महव्वए परिग्गहाओ वेरमणं । सब्बं भंते ! परिग्गहं पच्चक्खामि । से अप्पं वा । १ ।

प्रतिक्रमण
सूत्र.

॥ १० ॥

बहूं वा । २ । अणुं वा । ३ । थूलं वा । ४ । चित्तमंतं वा । ५ । अचित्तमंतं वा । ६ । नेव सयं परिग्गहं परि-
 गिण्हज्जा । नेवन्नेहिं परिग्गहं परिगिण्हविज्जा । परिग्गहं परिगिण्हंते वि अन्ने न समणुजाणामि । जावज्जी-
 वाए । तिविहं तिविहेणं मणेणं, वायाए, काएणं न करेमि । न कारवेमि । करंतं पि अन्नं न समणुजा-
 णामि । तस्स भंते ! पडिक्कमामि । निंदामि । गरिहामि । अप्पाणं वोसिरामि ॥ से परिग्गहे चउद्विहे पणत्ते ।
 तं जहा । दंभवओ । खित्तओ । कालओ । भावओ । दव्वओ णं परिग्गहे सचित्ताचित्तमीसेसु दव्वेसु ।
 खित्तओ णं परिग्गहे सब्वलोए । कालओ णं परिग्गहे दिआ वा, राओ वा । भावओ णं परिग्गहे अप्पग्घे वा,
 महग्घे वा, रागेण वा, दोसेण वा । जं पि य मए इमस्स धम्मस्स केवल्लिपणत्तस्स । अहिंसालक्खणस्स । सच्चा-
 हिट्ठिअस्स । विणयमूलस्स । खंतिप्पहाणस्स । अहिरणसोवन्निअस्स । उवसमप्पभवस्स । नवबंभचेरगुत्तस्स ।
 अपयमाणस्स । भिक्खावित्तिअस्स । कुक्खिसंबलस्स । निरग्गिसरणस्स । संपक्खालिअस्स । चत्तदो-
 सस्स । गुणग्गाहिअस्स । निव्विआरस्स । निव्वित्तिलक्खणस्स । पंचमहव्वयजुत्तस्स । असंनिहिसंचयस्स ।
 अविसंवाइअस्स । संसारपारगामिअस्स । निव्वानगमणपज्जवसाणफलस्स । पुर्व्वि अन्नाणयाए । असवण-
 याए । अवोहियाए । अणभिगमेणं । अभिगमेण वा । पमाएणं । रागदोसपडिबद्धयाए । बालयाए । मोहयाए ।
 मंदयाए । किड्डयाए । तिगारवगुरुयाए । चउक्कसाओवगएणं । पंचिदिअवसट्ठेणं । पडिपुत्तं भारियाए । साया-

साधुसाध्वी

॥ ११ ॥

सुखमणुपालंतेणं । इहं वा भवे, अन्नेसु वा भवग्गहणेसु । परिग्गहो गहिओ वा, गाहाविओ वा, घिप्पंतो वा परेहिं समणुन्नाओ । तं निंदामि । गरिहामि । तिविहं तिविहेणं मणेणं, वायाए, कायेणं अईअं निंदामि । पडुप्पन्नं संवरेमि । अणागयं पच्चक्खामि । सव्वं परिग्गहं जावज्जीवाए । अणिसिओ हं । नेव सयं परिग्गहं परिगिण्हज्जा । नेवन्नेहिं परिग्गहं परिगिण्हविज्जा । परिग्गहं परिगिण्हंते वि अन्ने न समणुजाणिज्जा । तं जहा । अरिहंतसक्खिअं । सिद्धसक्खिअं । साहूसक्खिअं । देवसक्खिअं । अप्पसक्खिअं । एवं हवइ भिक्खू वा, भिक्खुणी वा । संजय-विरय-पडिहय-पच्चक्खाय-पावकम्मे । दिआ वा, राओ वा, एगओ वा, परिसागओ वा, सुत्ते वा, जागरभाणे वा एस खलु परिग्गहस्स वेरमणे हिए । सुहे । खमे । निस्सेसिए । आणुगामिए । पारगामिए । सव्वेसिं पाणाणं । सव्वेसिं भूआणं । सव्वेसिं जीवाणं । सव्वेसिं सत्ताणं । अदुक्खणयाए । असोअणयाए । अजूरणआए । अतिप्पणयाए । अपीडणयाए । अपरिआवणयाए । अणुइवणयाए । महत्थे । महागुणे । महाणुभावे । महापुरिसाणुचिन्ने । परमरिसिदेसिए पसत्थे । तं दुक्खक्खयाए । कम्मक्खयाए । मुक्खयाए । बोहिलाभाए । संसारुत्तारणाए । तिकट्टु । उवसंपज्जित्ता णं विहरामि । पंचमे भंते ! महव्वए उवट्ठिओ मि सव्वाओ परिग्गहाओ वेरमणं ॥ ५ ॥

अहावरे छट्ठे भंते ! वए राईअभोअणाओ वेरमणं । सव्वं भंते ! राईभोअणं पच्चक्खामि । से असणं वा । १ ।

प्रतिक्रमण
सूत्र.

॥ ११ ॥

पाणं वा । २ । खाइमं वा । ३ । साइमं वा । ४ । नेव सयं राईभोअणं भुंजिज्जा । नेवन्नेहिं राईभोअणं भुंजा-
विज्जा । राईभोअणं भुंजंते वि अन्ने न समणुजाणामि । जावज्जीवाए । तिविहं तिविहेणं मणेणं, वायाए, का-
एणं न करेमि । न कारवेमि । करंतं पि अन्नं न समणुजाणामि । तस्स भंते ! पडिक्कमामि । निंदामि । गरि-
हामि । अप्पाणं वोसिरामि ॥ से राइभोअणे चउट्टिवहे पणत्ते । तं जहा । दव्वओ । खित्तओ । कालओ ।
भावओ । दव्वओ णं राईभोअणं । असणे वा । १ । पाणे वा । २ । खाइमे वा । ३ । साइमे वा । ४ । खित्तओ
णं राईभोअणे समयखित्ते । कालओ णं राईभोअणे दिआ वा, राओ वा । भावओ णं राईभोअणे तित्ते
वा । १ । कडुए वा । २ । कसाए वा । ३ । अंबिले वा । ४ । महुरे वा । ५ । लवणे वा । ६ । रागेण वा, दोसेण
वा । जं पि य मए इमस्स धम्मस्स केवलपणत्तस्स । अहिंसालक्खणस्स । सच्चाहिट्टिअस्स । विणयमूलस्स ।
खंतिप्पहाणस्स । अहिरणसोवणिअस्स । उवसमप्पभवस्स । नवबंभचेरगुत्तस्स । अपयमाणस्स । भिक्खा-
वित्तिअस्स । कुक्खिसंबलस्स । निरग्गिसरणस्स । संपक्खालिअस्स । चत्तदोसस्स । गुणग्गाहिअस्स । नि-
व्विआरस्स । निव्वित्तिलक्खणस्स । पंचमहव्वयजुत्तस्स । असंनिहिसंचयस्स । अविंसंवाइअस्स । संसारपा-
रगामिअस्स । निव्वाणगमणपज्जवसाणफलस्स । पुव्विं अन्नाणयाए । असवणयाए । अबोहियाए । अणभिग-
मेणं । अभिगमेणं वा । पमाएणं रागदोसपडिबद्धयाए । बालयाए । मोहयाए । मंदयाए । किडुयाए । तिगा-

साधुसाध्वी

॥ १२ ॥

रवगुरुआए । चउक्कसाओवगएणं । पंचिदिअवसट्टेणं । पडिपुण्णभारिआए । सायासुक्खमणुपालयंतेणं । इहं वा भवे, अन्नेसु वा भवग्गहणेसु वा । राइभोअणं भुत्तं वा । भुंजाविअं वा । भुज्जंतं वा परेहिं समणुत्ताओ । तं निंदामि । गरिहामि । तिविहं तिविहेणं मणेणं, वायाए, काएणं अईअं निंदामि । पडुप्पण्णं संवरेमि । अणागयं पच्चक्खामि । सव्वं राईभोअणं जावज्जीवाए । अणिसिओ हं । नेव सयं राइं भुंजिज्जा । नेवन्नेहिं राइं भुंजाविज्जा । राइं भुंजंते वि अन्ने न समणुजाणिज्जा । तं जहा । अरिहंतसक्खिअं । सिद्धसक्खिअं । साहूसक्खिअं देवसक्खिअं । अप्पसक्खिअं । एवं हवइ भिक्खू वा, भिक्खुणी वा । संजय-विरय-पडिहय-पच्चक्खाय-पावकम्मे । दिआ वा, राओ वा, एगओ वा, परिसागओ वा, सुत्ते वा, जागरमाणे वा । एस खलु । राइभोअणस्स । वेरमणे हिए । सुहे । खमे । निस्सेसिए । आणुगामिए । सव्वेसिं पाणाणं । सव्वेसिं भूआणं । सव्वेसिं जीवाणं । सव्वेसिं सत्ताणं । अदुक्खणयाए । असोअणआए । अजूरणयाए । अतिप्पणयाए । अपीडणयाए । अपरिआवणयाए । अणुहवणयाए । महत्थे । महागुणे । महाणुभावे । महापुरिसाणुचिन्ने । परमरिसिदेसिए पसत्थे । तं दुक्खक्खयाए । कम्मक्खयाए । सुक्खयाए । बोहिलाभाए । संसारुत्तारणाए । तिकट्टु । उवसंपज्जित्ता णं विहरामि । छट्टे भंते ! वए अब्भुट्ठिओमि सव्वाओ राईभोयणाओ वेरमणं ॥३॥ इच्चेइआइं पंचमहव्वघाइं, राईभोअणवेरमणछट्टाइं, अत्तहिअट्टाए उवसंपज्जित्ता णं विहरामि ॥ १ ॥

प्रतिक्रमण
सूत्र.

॥ १२ ॥

अप्पसत्था य जे जोगा । परिणामा य दारुणा ॥ पाणाइवायस्स वेरमणे । एस वुत्ते अइक्कमे ॥ १ ॥ तिब्ब-
 रागा य जा भासा । तिब्बदोसा तहेव य ॥ मुसावायस्स वेरमणे । एस वुत्ते अइक्कमे ॥ २ ॥ उग्गहं च
 अजाइत्ता । अविदिन्नेव उग्गहे ॥ अदिन्नादाणस्स वेरमणे । एस वुत्ते अइक्कमे ॥ ३ ॥ सद्दा रुवा रसा गंधा ।
 फासाणं पविआरणे ॥ मेहुणस्स वेरमणे । एस वुत्ते अइक्कमे ॥ ४ ॥ इच्छा मुच्छा य गेही अ । कंग्वा लोभे अ
 दारुणे ॥ परिग्गहस्स वेरमणे । एस वुत्ते अइक्कमे ॥ ५ ॥ अइमत्ते अ आहारे । सूरे खित्तम्मि संक्किए ॥
 राइभोयणस्स वेरमणे । एस वुत्ते अइक्कमे ॥ ६ ॥ दंसण-नाण-चरित्ते । अविराहित्ता ठिओ समणधम्मे ॥ पढमं
 वयमणुरक्खे विरयामो पाणाइवायाओ ॥ ७ ॥ दंसण-नाण-चरित्ते । अविराहित्ता ठिओ समणधम्मे ॥ वीयं
 वयमणुरक्खे । विरयामो मुसावायाओ ॥ ८ ॥ दंसण-नाण-चरित्ते । अविराहित्ता ठिओ समणधम्मे ॥ तइयं
 वयमणुरक्खे । विरयामो अदिन्नादाणाओ ॥ ९ ॥ दंसण-नाण-चरित्ते । अविराहित्ता ठिओ समणधम्मे ॥
 चउत्थं वयमणुरक्खे । विरयामो मेहुणाओ ॥ १० ॥ दंसण-नाण-चरित्ते । अविराहित्ता ठिओ समणधम्मे ॥
 पंचमं वयमणुरक्खे । विरयामो परिग्गहाओ ॥ ११ ॥ दंसण-नाण-चरित्ते । अविराहित्ता ठिओ समणधम्मे ॥
 छट्ठं वयमणुरक्खे । विरयामो राइभोयणाओ ॥ १२ ॥ आलय-विहार-समिओ । जुत्तो गुत्तो ठिओ समण-
 धम्मे ॥ पढमं वयमणुरक्खे । विरयामो पाणाइवायाओ ॥ १३ ॥ आलय-विहार-समिओ । जुत्तो गुत्तो ठिओ

साधुसाध्वी
॥ १३ ॥

समणधम्मे ॥ बीअं वयमणुरक्खे । विरयामो मुसावायाओ ॥ १४ ॥ आलय-विहार-समिओ । जुत्तो गुत्तो
ठिओ समणधम्मे ॥ तइयं वयमणुरक्खे । विरयामो अदिन्नादाणाओ ॥ १५ ॥ आलय-विहार-समिओ । जुत्तो
गुत्तो ठिओ समणधम्मे ॥ चउत्थं वयमणुरक्खे । विरयामो मेहुणाओ ॥ १६ ॥ आलय-विहार-समिओ । जुत्तो
गुत्तो ठिओ समणधम्मे ॥ पंचमं वयमणुरक्खे । विरयामो परिग्गहाओ ॥ १७ ॥ आलय-विहार-समिओ ।
जुत्तो गुत्तो ठिओ समणधम्मे ॥ छट्ठं वयमणुरक्खे । विरयामो राईभोयणाओ ॥ १८ ॥ आलय-विहार-समिओ ।
जुत्तो गुत्तो ठिओ समणधम्मे ॥ तिविहेण अप्पमत्तो । रक्खामि महव्वए पंच ॥ १९ ॥ सावज्जजोगमेगं ।
मिच्छत्तं एगमेव अन्नाणं ॥ परिवज्जंतो गुत्तो । रक्खामि महव्वए पंच ॥ २० ॥ अणवज्जजोगमेगं । सम्मत्तं ए-
गमेव नाणं तु ॥ उवसंपन्नो जुत्तो । रक्खामि महव्वए पंच ॥ २१ ॥ दो चेव राग-दोसे । दुण्णि अ झाणाइं
अट्ट-रुदाइं ॥ परिवज्जंतो गुत्तो । रक्खामि महव्वए पंच ॥ २२ ॥ दुविहं चरित्तधम्मं । दुन्नि अ झाणाइं धम्म-सु-
क्काइं ॥ उवसंपन्नो जुत्तो । रक्खामि महव्वए पंच ॥ २३ ॥ किण्हा नीला काउ । तिवि अ लेसाओ अप्पसं-
त्थाओ ॥ परिवज्जंतो गुत्तो । रक्खामि महव्वए पंच ॥ २४ ॥ तेउ पम्हा सुक्का । तिवि अ लेसाओ सुप्पस-
त्थाओ ॥ उवसंपन्नो जुत्तो । रक्खामि महव्वए पंच ॥ २५ ॥ मणसा मणसच्चविऊ । वायासच्चेण करणसच्चेण ॥
तिविहेण वि सच्चविऊ । रक्खामि महव्वए पंच ॥ २६ ॥ चत्तारि अ दुहसिज्झा । चउरो सन्ना तहा कसाया य ॥

प्रतिक्रमण
सूत्र.

॥ १३ ॥

परिवर्जन्तो गुत्तो । रक्खामि महव्वए पंच ॥ २७ ॥ चत्तारि अ सुहसिज्झा । चउव्विहं संवरं समाहिज्जा ॥ उव-
 संपन्नो जुत्तो । रक्खामि महव्वए पंच ॥ २८ ॥ पंचेव य कामगुणे । पंचेव य अण्हवे महादोसे ॥ परिवर्जन्तो
 गुत्तो । रक्खामि महव्वए पंच ॥ २९ ॥ पंचिंदिअसंवरणं । तहेव पंचविहमेव सज्झायं ॥ उवसंपन्नो जुत्तो ।
 रक्खामि महव्वए पंच ॥ ३० ॥ छज्जीवनिकायवहं । छप्पि अ भासाओ अप्पसत्थाओ ॥ परिवर्जन्तो गुत्तो ।
 रक्खामि महव्वए पंच ॥ ३१ ॥ छव्विहमविभतरयं । वज्झं पि अ छव्विहं तवो कम्मं ॥ उवसंपन्नो जुत्तो । र-
 क्खामि महव्वए पंच ॥ ३२ ॥ सत्त य भयट्टाणाइं । सत्तविहं चेव नाणविभंगं ॥ परिवर्जन्तो गुत्तो । रक्खामि
 महव्वए पंच ॥ ३३ ॥ पिंडेसण-पाणेसण । उग्गह सत्ति कया महज्झयणा ॥ उवसंपन्नो जुत्तो । रक्खामि मह-
 व्वए पंच ॥ ३४ ॥ अट्ट य मयट्टाणाइं । अट्ट य कम्माइं तेसिं बंधं च । परिवर्जन्तो गुत्तो । रक्खामि महव्वए
 पंच ॥ ३५ ॥ अट्ट य पवयणमाया । दिट्ठा अट्टविह निट्ठिअट्टेहिं ॥ उवसंपन्नो जुत्तो । रक्खामि महव्वए पंच
 ॥ ३६ ॥ नव पावनिआणाइं संसारत्था य नवविहा जीवा ॥ परिवर्जन्तो गुत्तो । रक्खामि महव्वए पंच ॥ ३७ ॥
 नव बंधचेरगुत्तो । दुनवविहं बंधचेरपरिसुद्धं ॥ उवसंपन्नो जुत्तो । रक्खामि महव्वए पंच ॥ ३८ ॥ उवघायं च
 दसविहं । असंवरं तह य संकिलेसं च ॥ परिवर्जन्तो गुत्तो । रक्खामि महव्वए पंच ॥ ३९ ॥ सच्चसमाहिट्ठाणे ।
 दस चेव दसओ समणधम्मं च ॥ उवसंपन्नो जुत्तो । रक्खामि महव्वए पंच ॥ ४० ॥ आसायणं च सव्वं ।

साधुसाध्वी
॥ १४ ॥

तिगुणं इक्कारसं विवज्जंतो ॥ परिवज्जंतो गुत्तो । रक्खामि महव्वए पंच ॥ ४१ ॥ एवं तिदंडविरओ । तिगरण-
सुद्धो तिसल्लनिसल्लो । तिविहेण पडिक्कंतो । रक्खामि महव्वए पंच ॥ ४२ ॥ ॥ २ ॥

इच्चेइअं महव्वयउच्चारणं थिरत्तं सल्लुद्धरणं । धिइवलं ववसाओ । साहणट्ठो पावनिवारणं । निकायणा भा-
वविसोहि पडाग्गहरणं । निजूहणाराहणा गुणाणं । संवरजोगो पसत्थज्झाणो । वउत्तया जुत्तया य । नाणे
परमट्ठो उत्तमट्ठो य । एस खलु तित्थकरेहिं । रइरागदोसमहणेहिं । देसिओ पवयणस्स सारो । छज्जीवनी-
कायसंजमं । उवएसिअं । तेलुक्कसक्कअं ठाणं । अब्भुवगया नमोत्थु ते । सिद्ध, बुद्ध, मुत्त, निरय, निसंग, मा-
णसूरण, गुणरयणसायर, मणंतमप्पमेअं नमोत्थु ते महइ महावीर वद्धमाणसामिस्स । नमोत्थु ते अरहओ ।
नमोत्थु ते भगवओ । तिकट्ठु । एसा खलु । महव्वयउच्चारणा कया ॥ ३ ॥

इच्छामो.सुत्तकित्तणं काउं । नमो तेसिं खमासमणाणं । जेहिं इमं वाइयं । छव्विहमावस्सयं भगवंतं तं
जहा । सामाइअं ॥ १ ॥ चउवीसत्थओ ॥ २ ॥ वंदणयं ॥ ३ ॥ पडिक्कमणं ॥ ४ ॥ काउसग्गो ॥ ५ ॥ पंच-
क्खाणं ॥ ६ ॥ सव्वेसिं पि एअम्मि छव्विहे आवस्सए भगवंते ससुत्ते । सअत्थे । सगंथे । सनिजुत्तीए ।
ससंगहणिए । जे गुणा वा, भावा वा । अरिहंतेहिं । भगवंतेहिं । पणत्ता वा । परूविआ वा । ते भावे
सइहामो । पत्तियामो । रोएमो । फासेमो । पालेमो । अणुपालेमो । ते भावे सइहंतेहिं । पत्तिअंतेहिं ।

प्रतिक्रमण
सूत्र.

॥ १४ ॥

रोअंतेहिं । फासंतेहिं । पालंतेहिं । अणुपालंतेहिं । अंतोपक्खस्स । जं वाइअं । पढिअं । परिअट्ठिअं । पुच्छिअं ।
 अणुपेहिअं । अणुपालिअं । तं दुक्खक्खयाए । कम्मक्खयाए । सुक्खयाए । बोहिलाभाए । संसारुत्तार-
 णाए । तिकट्टु । उवसंपज्जित्ता णं विहराभि । अंतोपक्खस्स । जं न वाइअं । न पढिअं । न परिअट्ठिअं । न
 पुच्छिअं । नाणुपेहिअं । नाणुपालिअं । संते बले । संते वीरिए । संते पुरिसक्कारपडिक्कमे । तस्स आलोएमो ।
 पडिक्कमामो । निंदामो । गरिहामो । विउट्टेमो । विसोहेमो । अकरणयाए अब्भुट्टेमो । अहारिहं तवोकम्मं । पाय-
 च्छित्तं पडिवज्जामो । तस्स मिच्छामि दुक्कडं ॥ ४ ॥

नमो तेसिं खमासमणाणं । जेहिं इभं वाइअं अंगवाहिरं उक्कालिअं भगवंतं । तं जहा । दसवेआलिअं । १ ।
 कप्पिआकप्पिअं । २ । चुल्लकप्पसुअं । ३ । महाकप्पसुअं । ४ । उवाइअं । ५ । रायप्पसेणिअं । ६ । जीवाभि-
 गमो । ७ । पणवणा । ८ । महापन्नवणा । ९ । नंदी । १० । अणुओगदाराहं । ११ । देविंदत्थुओ । १२ । तंदु-
 लविआलिअं । १३ । चंदाविज्जिअं । १४ । पमायप्पमायं । १५ । पोरिसिमंडलं । १६ । मंडलप्पवेसो । १७ ।
 गणिविज्जा । १८ । विज्जाचारणविणिच्छओ । १९ । ज्ञाणविभत्ती । २० । आणविभत्ती । २१ । मरणविभत्ती
 । २२ । आयविसोहि । २३ । संलेहणासुअं । २४ । वीयरायसुअं । २५ । विहारकप्पो । २६ । चरणविसोहि
 । २७ । आउरपच्चक्खाणं । २८ । महापच्चक्खाणं । २९ । सब्वेसिं पि एअम्मि । अंगवाहिरे उक्कालिए । भग-

साधुसाध्वी

॥ १५ ॥

वंते । ससुत्ते । सअत्थे । सगंथे । सनिज्जुत्तिए । ससंगहणिए । जे गुणा वा । भावा वा । अरिहंतेहिं । भगवं-
तेहिं । पण्णत्ता वा । परूविआ वा । ते भावे सहहामो । पत्तिआमो । रोएमो । फासेमो । पालेमो । अणुपा-
लेमो । ते भावे सहहंतेहिं । पत्तिअंतेहिं । रोअंतेहिं । फासंतेहिं । पालंतेहिं अणुपालंतेहिं । अंतोपक्खस्स ।
जं वाइअं, पढिअं । परिअट्ठिअं । पुच्छिअं । अणुपेहिअं । अणुपालिअं । तं दुक्खक्खयाए । कम्मक्खयाए ।
मुक्खयाए । बोहिलाभाए । संसारुत्तारणाए । तिकट्ठु । उवसंपज्जित्ता णं विहरामि । अंतोपक्खस्स । जंन-
वाइअं । न पढिअं । न परिअट्ठिअं । न पुच्छिअं । नाणुपेहिअं । नाणुपालिअं । संते बले । संते वीरिए । संते पुरि-
सक्कारपरिक्कमे । तस्स आलोएमो । पडिक्कमामो । निंदामो । गरिहामो । विउट्टेमो । विसोहेमो । अकरणयाए
अब्भुट्टेमो । अहारिहं तवोकम्मं । पायच्छित्तं पडिवज्जामो । तस्स मिच्छामि दुक्कडं ॥ ५ ॥

नमो तेसिं खमासमणाणं । जेहिं इमं वाइअं अंगवाहिरं कालिअं भगवंतं । तं जहा । उत्तरज्झयणाइं । १ ।
दसाकप्पो । २ । ववहारो । ३ । इसिभासिआइं । ४ । निसीहं । ५ । महानिसीहं । ६ । जंबुद्दीवपण्णत्ती । ७ ।
सूरपण्णत्ती । ८ । चंदपन्नत्ती । ९ । दीवसागरपन्नत्ती । १० । खुड्डियाविमाणपविभत्ती । ११ । महल्लिआ-
विमाणपविभत्ती । १२ । अंगचूलिआए । १३ । वग्गचूलिआए । १४ । विवाहचूलिआए । १५ । अरुणोव-
वाए । १६ । वरुणोववाए । १७ । गरुलोववाए । १८ । धरणोववाए । १९ । वेलंधरोववाए । २० । वेसमणो-

प्रतिक्रमण
सूत्र.

॥ १५ ॥

ववाए । २१ । देविंदोववाए । २२ । उट्टाणसुए । २३ । समुट्टाणसुए । २४ । नागपरिआवलिआणं । २५ । नि-
 रयावलिआणं । २६ । कप्पिआणं । २७ । कप्पवडिंसिआणं । २८ । पुप्फिआणं । २९ । पुप्फिचूलिआणं । ३० ।
 वण्हीयाणं । ३१ । वण्हीदसाणं । ३२ । आसीविसभावणाणं । ३३ । दिट्ठिविसभावणाणं । ३४ । चारण-
 सुमिणभावणाणं । ३५ । महासुमिणभावणाणं । ३६ । तेअग्गिनिसग्गाणं । ३७ । सव्वेहिं पि एअंमि । अंग-
 बाहिरे कालिए भगवंते । ससुत्ते । सअत्थे । सगंथे । सणिज्जुत्तिए । ससंगहणिए जे गुणा वा । भावा वा ।
 अरिहंतेहिं । भगवतेहिं पणत्ता वा परूवीआ वा । ते भावे सहहामो । पत्तिआमो । रोएमो । फासेमो । पालेमो ।
 अणुपालेमो । ते भावे सहहंतेहिं । पत्तिअंतेहिं । रोयंतेहिं । फासंतेहिं । पालंतेहिं । अणुपालंतेहिं । अंतोपक्खस्स
 जं वाइअं । पढिअं । परिअट्ठिअं । पुच्छिअं । अणुपेहिअं । अणुपालिअं तं दुक्खक्खयाए । कम्मक्खयाए । मुक्खयाए ।
 बोहिलाभाए । संसारुत्तारणाए । तिकट्ठु । उवसंपज्जित्ता णं विहरामि । अंतोपक्खस्स जं न वाइअं । न पढिअं ।
 न परिअट्ठिअं । न पुच्छिअं । नाणुपेहिअं । नाणुपालिअं । संते बले । संते वीरिए । संतेपुरिसक्कारपरिक्रमे । तस्स
 आलोयमो । पडिक्कमामो । निंदामो । गरिहामो । विउट्टेमो । विसोहेमो । अकरणयाए । अब्भुट्टेमो । अहारिहं त-
 वोकम्मं । पायच्छित्तं पडिवज्जामो तस्स मिच्छामि दुक्कडं ॥ ६ ॥

नमो तेसिं खमासमणाणं । जेहिं इमं वाइअं । दुवालसंगं गणिपिडगं । भगवंतं । तं जहा । आयारो । १ ।

साधुसाध्वी

॥ १६ ॥

सुअगडो । २ । ठाणं । ३ । समवाओ । ४ । विवाहपन्नत्ती । ५ । नायाधम्मकहाओ । ६ । उवासगदसाओ । ७ । अंतगडदसाओ । ८ । अणुत्तरोववाइअदसाओ । ९ । पण्हावागरणं । १० । विवागसुअं । ११ । दिट्ठिवाओ । १२ । सच्चवेहिं पि एअंमि । दुवालसंगे । गणिपिडगे । भगवंते । समुत्ते । सअत्थे । संगंथे । सणिज्जुत्तिए । ससंग-
हणिए । जे गुणा वा । भावा वा । अरिहंतेहिं । भगवंतेहिं । पन्नत्ता वा । परूविआ वा । ते भावे सहहामो ।
पत्तिआमो । रोएमो । फासेमो । पालेमो । अणुपालेमो । ते भावे सहहंतेहिं । पत्तिअंतेहिं । रोयंतेहिं । फासं-
तेहिं । पालंतेहिं । अणुपालंतेहिं । अंतोपक्खस्स । जं वाइअं । पढिअं । परिअट्ठिअं । पुच्छिअं । अणुपेहिअं ।
अणुपालिअं । तं दुक्खक्खयाए । कम्मक्खयाए । सुक्खयाए । बोहिलाभाए । संसारुत्तारणाए त्तिकहु । उव-
संपज्जित्ता णं विहरामि अंतोपक्खस्स । जं न वाइअं । न पढिअं । न परिअट्ठिअं । न पुच्छिअं । नाणुपेहिअं ।
नाणुपालिअं । संते बले । संते वीरिए । संते पुरिसक्कारपरिक्रमे । तस्स आलोएमो । पडिक्कमामो । निंदामो ग-
रिहामो । विउट्टेमो । विसोहेमो । अकरणयाए अब्भुट्टेमो । अहारिहं तवोकम्मं । पायच्छित्तं पडिवज्जामो ।
तस्स मिच्छामि दुक्कडं ॥ ७ ॥

नमो तेसिं खमासमणाणं । जेहिं इमं वाइअं दुवालसंगं । गणिपिडगं । भगवंतं । तं जहा । सम्मं काएणं ।
फासंति । पालंति । पूरंति । तीरंति । किट्ठंति । सम्मं आणाए आराहंति । अहं च नाराहेमि । तस्स

प्रतिक्रमण
सूत्र.

॥ १६ ॥

मिच्छामि दुक्कडं ॥ ८ ॥ सुअदेवआ भगवई । नाणावरणीअकम्मसंघायं । तेसिं खवेउ सययं । जेसिं सुअसायरे
भत्ती ॥ १ ॥ इति पाक्षिकसूत्रं समाप्तं ॥ ७ ॥

॥ ८ ॥ श्री पाक्षिकखामणा. ॥

इच्छामि खमासमणो पिअं च मे जं भे । हठाणं । तुठाणं । अप्पायंकाणं । अभग्गजोगाणं । सुसीलाणं ।
सुव्वयाणं । सायरिय उवज्झायाणं । नाणेणं । दंसणेणं । चरित्तेणं । तवसा । अप्पाणं भावेमाणानं । बहुसुभेण
भे दिवसो पक्खो, (चाउमासिओ, संवच्छरिओ) वइक्कंतो । अन्नो य भे कल्लाणेणं । पज्जुवट्ठिओ । सिरसा,
मणसा, मत्थएण वंदामि ॥ १ ॥ तुब्भेहिं सम्मं ॥ इति ॥ गुरुवचनं ॥

इच्छामि खमासमणो । पुण्विं चेइआइं वंदित्ता । नमंसित्ता । तुब्भण्हं पायमूले । विहरमाणेणं । जे केइ
बहुदेवसिआ । साहुणो दिट्ठा समाणा वा, वसमाणा वा, गामाणुगामं दुइज्जमाणा वा । राइणिआ संपुच्छंति ।
उमराइणिआ वंदंति । अज्जया वंदंति । अज्जियाओ वंदंति । सावया वंदंति । सावियाओ वंदंति । अहं पि नि-
स्सल्लो । निक्कसाओ त्तिकहु । सिरसा, मणसा, मत्थएण वंदामि ॥ २ ॥ अहमवि वंदामि चेइआइं ॥ इति ॥ गुरु० ॥
इच्छामि खमासमणो । अब्भुट्ठिओ हं । तुब्भण्हं । संतिअं । अहाकप्पं वा । वत्थं वा । पडिग्गहं वा । कंबलं

साधुसाध्वी

॥ १७ ॥

वा । पायपुच्छणं वा । रयहरणं वा । अक्खरं वा । पयं वा । गाहं वा । सिलोगं वा । सिलोगद्धं वा । अट्टं
वा । हेउं वा । पसिणं वा । वागरणं वा । तुब्भेहिं । यत्तेण दिन्नं । मए अविणएण । पडिच्छिअं । तस्स
मिच्छामि दुक्कडं ॥ ३ ॥ आयरियसंतिअं ॥ इति ॥ गुरुवचनं ॥

इच्छामि खमासमणो । अहमपुब्बाइं । कयाइं च मे । कियकम्माइं । आयारमंतरे । विणयमंतरे । सेविओ ।
सेवाविओ । संगहिओ । उवग्गहिओ । सारिओ । वारिओ । चोइओ । पडिचोइओ । चिअत्ता मे । पडिचो-
यणा । अब्भुट्ठिओ हं । तुब्भण्हं तवतेयसिरीए । इमाओ चाउरंतसंसारकंताराओ । साहट्टु । नित्थरिस्सामि
तिकट्टु । सिरसा, मणसा, मत्थएण वंदामि ॥ ४ ॥ नित्थारगपारगा होह ॥ इति ॥ गुरुवचनं ॥ ८ ॥

इति पाक्षिकक्षामणा संपूर्णा ॥

॥ ९ ॥ दशवैकालिकके २ अध्ययन ॥

धम्मो मंगलमुक्किट्ठं । अहिंसा संजमो तवो ॥ देवा वि तं नमंसंति । जस्स धम्मो सया मणो ॥ १ ॥ जहां
दुमस्स पुप्फेसु । भमरो आवियइ रसं ॥ न य पुप्फं किलामेइ सो अ पीणेइ अप्पयं ॥ २ ॥ एमेए समणा वुत्ता ।
जे लोए संति साहुणो ॥ विहंगमा व पुप्फेसु । दाण-भत्तेसणे रया ॥ ३ ॥ वयं च वित्ति लब्भामो । न य कोइ
उवहम्मइ ॥ अहागडेसु रीयंते । पुप्फेसु भमरा जहा ॥ ४ ॥ महुकारसमा बुद्धा । जे भवंति अणिसिस्सया ॥

प्रतिक्रमण
सूत्र.

॥ १७ ॥

नाणापिंडरया दंता । तेण बुच्चंति साहुणो ॥ ५ ॥ त्ति बेमि ॥ दुम्मपुष्फिअज्झयणं ॥ १ ॥ कहं नु कुज्जा सा-
 मणं । जो कामे न निवारण ॥ पए पए विसीयंतो । संकप्पस्स वसंगओ ॥ १ ॥ वत्थ-गंध-मलंकारं । इत्थिओ
 सयणाणि य ॥ अच्छंदा जे न भुंजंति । न से चाइ त्ति बुच्चइ ॥ २ ॥ जे अ कंते पिए भोए । लद्धे वि पिट्ठि
 कुव्वई ॥ साहीणे चयइ भोए । से हु चाइ त्ति बुच्चइ ॥ ३ ॥ समाइ पेहाइ परिव्वयंतो । सिआमणो निस्सरइ
 बहिद्धा ॥ न सां महं नावि अहं पि तीसे । इच्चेव ताओ विणइज्ज रागं ॥ ४ ॥ आयावयाही चय सोगमल्लं । कामे
 कमाही कमियं खु दुक्खं ॥ छिंदाहि दोसं विणइज्ज रागं । एवं सुही होहिसि संपराए ॥ ५ ॥ पक्खंदे जलियं
 जोइं । धूमकेउं दुरासयं ॥ निच्छंति वंतयं भोत्तुं । कुले जाया अगंधणे ॥ ६ ॥ धिगत्थु ते जसोकामी । जो तं
 जीवियकारणा ॥ वंतं इच्छसि आवेउं । सेअं ते मरणं भवे ॥ ७ ॥ अहं च भोगरायस्स । तं च सि अंधगव-
 न्हिणो ॥ मा कुले गंधणा होमो । संजमं निहुओ चर ॥ ८ ॥ जइ तं काहिसि भावं । जा जा दिच्छसि नारिओ ॥
 वायाविहु व्व हडो । अट्ठिअप्पा भविस्ससि ॥ ९ ॥ तीसे सो वयणं सुच्चा । संजयाइ सुभासियं ॥ अकुंसेण
 जहा नागो । धम्मो संपडिवाइओ ॥ १० ॥ एवं करंति संबुद्धा । पंडिआ पवियक्खणा ॥ विणिअट्ठंति भोगेसु ।
 जहा से पुरिसुत्तमो ॥ इत्ति बेमि ॥ ११ ॥ संजमे सुट्ठियप्पाणं । विप्पमुक्काण ताइणं ॥ तेसिमेयमणाइन्नं ।
 निग्गंधाणं महेसिणं ॥ १२ ॥ इति सामन्नपुव्वियज्झयणं ॥ २ ॥

साधुसाध्वी

॥ १८ ॥

॥ अजितशान्तिस्तवनम् ॥

अजियं जियसव्वभयं, सतिं च पसंतसव्वगयपावं ॥ जयगुरु संतिगुणकरे दोवि जिणवरे पणिवयामि ॥१॥
 गाहा ॥ ववगयमंगुलभावे, तेहं विउलतवनिम्मलसहावे ॥ निरुवममहप्पभावे, थोसामि सुदिट्ठसव्वभावे ॥ २ ॥
 गाहा ॥ सव्वदुक्खपसंतीणं, सव्वपावप्पसंतीणं ॥ सया अजियसंतीणं, नमो अजिय-संतीणं ॥ सिलोगो ॥३॥
 अजियजिणसुहपवत्तणं तवपुरिसुत्तमनामकित्तणं ॥ तह य धिइमइपवत्तणं, तव य जिणुत्तम संतिकित्तणं ॥४॥
 मागहिया ॥ किरियाविहिसंचियकम्मकिलेसविमुक्खयरं । अजियं निचियं च गुणेहिं महामुणिसिद्धिगयं ॥
 अजियस्स य संतिमहामुणिणो वि य संतिकरं । सययं मम निव्वुइकारणयं च नमंसणयं ॥५॥ आलिंगणयं ॥
 पुरिसा जइदुक्खवारणं, जइय विमग्गहसुक्खकारणं ॥ अजियं संतिं च भावओ, अभयकरे सरणं पवज्जहा ॥६॥
 मागहिया ॥ अरइरइतिमिरविरहिय-मुवरयजरमरणं । सुरअसुरगरुलभुअगवइ-पययपणिवइअं ॥ अजियमहमवि
 य सुनयनयनिउणमभयकरं । सरणभुवसरिअ भुविदिविज्जमहियं सययमुवणमे ॥ ७ ॥ संगययं ॥ तं च जिणु-
 त्तममुत्तमनित्तमसत्तधरं, अज्जवमइवखंतिविमुत्तिसमाहिनिहिं ॥ संतिकरं पणमामि दमुत्तमतिथयरं, संति-
 मुणी मम संतिसमाहिवरं दिसओ ॥ ८ ॥ सोवाणयं ॥ सावत्थि-पुव्वपत्थिवं च वरहत्थी मत्थय पसत्थ

प्रतिक्रमण
सूत्र.

॥ १८ ॥

विच्छिन्नसंथियं । थिरसरिच्छवच्छं मयगललीलायमाणवरगंधहृत्थिपत्थाणपत्थियं संथवारिहं ॥ हृत्थिहृत्थिवाहुं
 धंतकणगरुअगनिरुवहयपिंजरं, पवरलक्खणोवचियं सोमचारुखं । सुइसुह-मणाभिरामपरमरमणिज्वर-
 देवदुंदुहिनिनायमहुरयरसुहगिरं ॥ ९ ॥ वेडुओ ॥ अजियं जिआरिगणं, जिअसव्वभयं भवो हरिउं ॥ पणमा-
 मि अहं पयओ, पावं पसमेउ मे भयवं ॥ १० ॥ रासालुद्धओ ॥ कुरुजणवय-हृत्थिणाउरनरीसरो पढमं तओ
 महाचक्खवट्ठिभोए महप्पभावो, जो वावत्तरिपुरवरसहस्सवरनयर-निगम-जणवयवई, वत्तीसारायवरसहस्साणु-
 यायमग्गो ॥ चउहसवररण-नवमहानिहि-चउसट्ठिसहस्सपवरजुवईण सुंदरवई, चुलसीहय-गय-रहसयस-
 हस्ससामी, छन्नवइगामकोडीसामी आसि जो भारहम्मि भयवं ॥ ११ ॥ वेडुओ ॥ तं संतिं संतिकरं, संतिन्नं
 सव्वभया ॥ संतिं थुणामि जिणं, संतिं विहेउ मे ॥ १२ ॥ रासानंदिअं ॥ इक्खाग ! विदेहनरीसर ! नरव-
 सहा ! मुणिवसहा ! । नवसारयससिसकलाणण, विगयतमा विहुअरया ॥ अजिउत्तमतेअगुणेहिं महामुणि-
 अमिअबला विउलकुला । पणमामि ते भवभयमूरण जगसरणा मम सरणं ॥ १३ ॥ चित्तलेहा ॥ देव-दाणाविं-
 द-चंद-सूरवंद हट्ट-तुट्ट-जिट्ट-परम, लट्टरुवधंतरूपपट्टसेयसुद्धनिद्धधवल ! दंतपंति ॥ संति ! सत्ति-कित्ति-मुत्ति-
 जुत्ति-गुत्तिपवर, दित्ततेय वंदधेय सव्वलोअभाविअप्पभाव णे य पइस मे समारिहं ॥ १४ ॥ नारायओ ॥ विम-
 लससिकलाइरेअसोमं, वितिभिरसूरकलाइरेअतेअं ॥ तिअसवइगणाइरेअरुवं, धरणिधरपवराइरेअसारं ॥ १५ ॥

साधुसाध्वी
॥ १९ ॥

कुसुमलया ॥ सत्ते य सया अजिअं, सारीरे अ बले अजियं ॥ तव संजमे अ अजियं, एस थुणामि जिणमजियं
॥ १६ ॥ भुअगपरिरंगियं ॥ सोमगुणेहिं पावइ न तं नवसरयससी, तेअगुणेहिं पावइ न तं नवसरयरवि ॥
रूवगुणेहिं पावइ न तं तियसगणवई । सारगुणेहिं पावइ न तं धरणिधरवई ॥ १७ ॥ खिज्जिअयं ॥ तित्थवरपवत्तयं
तमरयरहियं धीरजणथुअच्चियं चुअकलिकलुसं संति-सुहपवत्तयं तिगरणपयओ संतिमहं महामुणिं सरण-
मुवणमे ॥ १८ ॥ ललिअयं ॥ विणओणयसिररइअंजलिरिसिगणसंथुअं थिमिअं । विवुहाहिव-धणवइ-नरवइ-
थुअमहिअच्चिअं बहुसो ॥ अइरुगयसरयदिवायरसमहियसप्पभं तवसा । गयणंगणविहरणसमुइअचारणवं-
दिअं सिरसा ॥ १९ ॥ किसलयमाला ॥ असुरगरुलपरिवंदियं, किन्नरो-रगनमंसियं ॥ देवकोडिसयसुंथुअं,
समणसंघपरिवंदिअं ॥ २० ॥ सुमुहं ॥ अभयं अणहं अरयं अरुयं । अजिअं अजिअं पयओ पणमे ॥ २१ ॥ वि-
ज्जुविलसियं ॥ आगया वरविमाणदिव्वकणगरह-तुरय-पहकरसएहिं ह्हुलिअं । ससंभमोअरणखुभिअ-लुलिय-
चलकुंडलं-गय-तिरीडसोहंतमउलिमाला ॥ २२ ॥ वेडुओ ॥ जं सुरसंघा सासुरसंघा वेरविउत्ता भत्तिसुजुत्ता,
आयरभूसिअ-संभमपिंडिय-सुहुसुविम्हिअ-सव्वबलोघा । उत्तमकंचण-रयणपरुविअभासुरभूसणभासुरिअंगा,
गायसमोणयभत्तिवसागय-पंजलिपेसियसीसपणामा ॥ २३ ॥ रयणमाला ॥ वंदिऊण थोऊण तो जिणं,
तिगुणमेव य पुणो पयाहिणं । पणमिऊण य जिणं सुरासुरा, पमुइआ सभवणाइं तो गया ॥ २४ ॥ खित्तयं ॥

प्रतिक्रमण
सूत्र.

॥ १९ ॥

तं महामुणिमहं पि पंजली, राग-दोस-भयं-मोहवज्जियं। देव-दाणव-नरिंदवंदिअं संतिमुत्तममहातवं नमे ॥ २५ ॥
 खित्तयं ॥ अंबरंतरविआरणिआहिं ललिअहंसवहुगामणिआहिं । पीणसोणित्थणसालिणिआहिं सकलकम-
 लदल्लोयणिआहिं ॥ २६ ॥ दीवयं ॥ पीण-निरंतरथणभरविणमियगायलयाहिं, मणि-कंचणपसिढिल-मेहलसो-
 हिअसोणितडाहिं । वरखिंखिणि-नेऊर-सतिलय-वलयविभूसणिआहिं, रइकरचउरमणोहर-सुंदरदंसणियाहिं
 ॥ २७ ॥ चित्तक्खरा ॥ देवसुंदरीहिं पायवंदिआहिं वंदिआ य जस्स ते सुविक्रमा क्कमा अप्पणो निडालएहिं
 मंडणोड्डणप्पगारएहिं केहिं केहिं वी अवंग-तिलय-पत्तलेहनामएहिं चिल्लएहिं संगयं गयाहिं । भत्तिसन्निविट्ठवंद-
 णागयाहिं हुंति ते वंदिया पुणो पुणो ॥ २८ ॥ नारायओ ॥ तमहं जिणचंदं अजिअं जियमोहं । धुयसव्वकिलेसं
 पयओ पणमामि ॥ २९ ॥ नंदिययं ॥ थुअवंदिअस्सा रिसिगण-देवगणेहिं तो देववहुहिं पयओ पणमियस्सा ।
 जस्स जगुत्तमसासणअस्सा भत्तिवसागयपिंडियआहिं । देववरच्छरसा बहुआहिं सुरवररइगुणपिंडियआहिं
 ॥ ३० ॥ भामुरयं ॥ वंससह-तंतितालमेलिए, तिउक्खराभिरामसहमीसए कए अ, सुइसमाणणे य सुद्ध-स-
 ज्जगीयपायजालघंटियाहिं । वलय-मेहलाकलाव-नेउराभिरामसहमीसए कए य ॥ देवनट्टिआहिं हाव-भाव-विब्भ-
 मप्पगारएहिं नच्चिऊण अंगहारएहिं वंदिआ य जस्स ते सुविक्रमा क्कमा तयं तिलोयसव्वसत्तसंतिकारयं । पसं-
 तसव्वपाव-दोस-मेसहं नमामि संतिमुत्तिमं जिणं ॥ ३१ ॥ नारायओ ॥ छत्त-चामर-पडाग-जूअ-जवमंडिया

साधुसाध्वी
॥ २० ॥

झयवर-मगर-तुरग-सिरिवच्छसुलंछणा ॥ दीव-समुद्-मंदिर-दिसागयसोहिया सत्थिय-वसह-सीह-रह-चक्रवरं-
किया (सिरिवच्छसुलंछणा) ॥३२॥ ललिअयं ॥ सहावलट्टा समइप्पइट्टा, अदोसदुट्टा गुणेहिं जिट्टा । पसायसिट्टा
तवेणपुट्टा, सिरिहिं इट्टा रिसीहिं जुट्टा ॥३३॥ वाणवासिया ॥ ते तवेण धुअसव्वपावया, सव्वलोगहियमूलपावया ।
संथुया अजिअ-संति पायया हुंतु मे सिवसुहाण दायया ॥ ३४ ॥ अपरांतिका ॥ एवं तव-बलविउलं थुअं मए
अजिअ-संतिजिणजुअलं । ववगयकम्मरयमलं, गइं गयं सासयं विउलं ॥३५॥ गाहा ॥ तं बहुगुणप्पसायं, मुक्खसु-
हेण परमेण अविसायं । नासेउ मे विसायं कुणउ अ परिसावि य पसायं ॥३६॥ गाहा ॥ तं मोएउ अ नंदि पावेउ
अ नंदिसेणम-भिनंदिं । परिसा वि अ सुहनंदिं, मम य दिसउ संजमे नंदिं ॥३७॥ गाहा ॥ पक्खिय-चाउम्मासियसं-
वच्छरिए अवस्स भणियव्वो । सोअव्वो सव्वेहिं, उवसग्गनिवारणो एसो ॥३८॥ जो पढइ जो अ निसुणइ, उभओ
कालंपि । अजिय-संतिथयं नहु हुंति तस्स रोगा पुव्वुप्पुन्ना विणासंति ॥ ३९ ॥ जइ इच्छह परमपयं अहवा कित्ति
सुवित्थडां भुवणे । ता तिल्लुकुधरणे जिणवयणे आयरं कुणह ॥ ४० ॥ इति अजितशान्तिस्तवनं संपूर्णम् ॥

॥ अथ जयतिहुअणस्तोत्रम् ॥

जय तिहुअणवरकप्परुक्ख ! जय जिण ! धन्नंतरि !, जय तिहुअणकल्लाणकोस ! दुरिअकरिकेसरि ! ॥ तिहु
अणजणअविलंघिआण ! भुवणत्तयसामिअ !, कुणसु सुहाइं जिणेस ! पास ! थंभणयपुरट्टिअ ! ॥ १ ॥ तइं-

प्रतिक्रमण
सूत्र.

॥ २० ॥

समरंत लहंति झत्ति वरपुत्त-कलत्तइ, धण्ण-सुवन्न-हिरण्णपुण्णजण भुंजइ रज्जइ । पिकखइ मुक्खं असंखसुक्खं
तुह पास ! पसाइण, इय तिहुअणवरकप्परुक्ख ! सुक्खइ कुण मह जिण ॥ २ ॥ जरजजर परिजुण्णकण-
नहुइ सुकुट्टिण, चक्खुक्खीण खएण्ण खुण नर सल्लिअ सूलिण ॥ तुह जिण सरणरसायणेण लहु हुंति पुण्णं
णव, जय धणंतरि पास ! मह वि तुहं रोगहरो भव ॥ ३ ॥ विज्जा-जोइस-मंत-तंत-सिद्धिउ अपयत्तिण, भुव-
णभुउ अट्टविहसिद्धि सिज्जइ तुह नामिण ॥ तुह नामिण अपवित्तओ वि जण होइ पवित्तओ, तं तिहुअ-
णकल्लाणकोस तुह पास ! निरुत्तओ ॥ ४ ॥ खुइपवत्तइ मंत-तंत-जंताइं विसुत्तइ, चर-थिरगरल-गहु-ग्गख-
ग्ग-रिउवग्ग विगंजइ ॥ दुत्थियसत्थ अणत्थघत्थ नित्थारइ दयकरि, दुरिअइं हरउ सुपासदेव ! दुरिअकरि-
केसरि ॥ ५ ॥ तुह आणा थंभेइ भीम-दप्पुद्धुरसुरवर-रक्खस-जक्ख-फणिंदविंद-चोरा-ऽनल-जलहर ॥ जल-थ-
लचारिरउइ-खुइपसु-जोइणि-जोइअ, इअ तिहुअणअविलंघिआण जय पास ! सुसामिअ ! ॥ ६ ॥ पत्थिअ
अत्थ अणत्थ तत्थ भत्तिअभरनिअभर, रोमंचिअचारुकायकिण्णर-नर-सुरवर ॥ जसु सेवहि कमकमलजुअल
पक्खालिअकलिमल, सो भुवणत्तयसामि पास ! मह महउ रिउवल्लु ॥ ७ ॥ जय जोइअमणकमलभसल ! भ-
यपंजरकुंजर, तिहुअणजणआणंदचंद ! भुवणत्तयदिणयर ! ॥ जय महमेइणिवारिवाह ! जय जंतुपिआमह,
थंभणअट्टिअ ! पासनाह ! नाहत्तण कुण मह ॥ ८ ॥ बहुविह वनु अवनु सुण्णु वणिणओ छप्पणिहि मुक्ख-धम्म-

साधुसाध्वी
॥ २१ ॥

काम-त्थकाम नर नियनियसत्थिहि ॥ जं ज्झायइ बहुदरिसणत्थ बहुनामपसिद्धउ, सो जोइअमणकमलभसल सुह पास पवद्धउ ॥ ९ ॥ भयविब्भलरणजणिरदसण थरहरिअसरीरय, तरलिअनयण विसुण्ण सुण्ण गगिर-गिर करुणय ॥ तइं सहसत्ति सरंति हुंति नर नासिअ-गुरुदर, मह विज्झवि सज्झसइ पास ! भयपंजरकु-जर ! ॥ १० ॥ पइं पास वि विअसंतनित्तपत्तंतपवित्थिय-वाहपवाहपवूढरूढदुह-दाह सुपुलइय ॥ मण्णइ मण्णु स-उण्णु पुण्णु अप्पाणं सुर-नर, इय तिहुअणआणंदचंद ! जय पास जिणेसर ! ॥ ११ ॥ तुह कल्लाणमहेसु घंटंकारव-पिल्लिअ, वल्लिरमल्ल महल्लभत्ति सुरवर गंजुल्लिअ ॥ हल्लुप्फलिअ पवत्तयंति भवणेहि महुसव, इय तिहुअण-आणंदचंद ! जय पास सुहुवभव ॥ १२ ॥ निम्मलकेवलकिरणनियरविहुरिअतमपहयर !, दंसिअसयलपयत्थसत्थ वित्थरिअ पहाभर ! ॥ कलिकलुसिअजणघूअलोयलोयणह अगोयर ! तिमिरइ निरुहय पासनाह ! भुवणत्तय-दिणयर ! ॥ १३ ॥ तुह समरणजलवरिससित्तमाणवमइ-मेइणि, अवरावरसुहुमत्थबोहकंदलदलरेहणि ॥ जायइ फलभरभरिय हरिय दुहदाहअणोवम, इय महमेइणिवारिवाह दिस पास मइं मम ॥ १४ ॥ कय अविकलकल्लाणवल्लि उल्लूरियदुहवणु, दाविअसग्ग-पवग्गमग्ग दुग्गइगमवारणुं ॥ जय जंतुहजणण तुल्लं जं जणियहियावहु, रम्मु धम्मु सो जयउ पास जय जंतुपिआमहु ॥ १५ ॥ भुवणा-रण्णनिवास दरिअ परदरिसणदेवय, जोइणि-पूअण-खित्तवाल-खुदासुर-पसुवय ॥ तुह उत्तइ-सुनइ सुइ अविसंडुलु चिइहि, इय तिहुअणवणसीह पास ! पावाइ

प्रतिक्रमण
सूत्र.

॥ २१ ॥

पणासहि ॥ १६ ॥ फणिफणफारफुरंतरयणंकरंरंजिअनहयल, फलिणीकंदल-दल-तमाल-निल्लुप्पलसामल ! ॥
 कमठासुरउवसग्गवग्गसंसग्गअगंजिअ !, जय पच्चक्ख जिणेस पास ! थंभणयपुरट्ठिअ ॥ १७ ॥ मह मणु तरलु
 पमाणु ने य वाया वि विसंढुलु, नियतणुरवि अविणयसहावु अलसविहिलंघलु ॥ तुह माहप्पु पमाणु देव !
 कारुण्णपवित्तउ, इय मइ मा अवहीरि पास पालिहि विलवंतउ ॥ १८ ॥ किं किं कप्पिउ ण य कल्लुणु किं किं व न
 जंपिउ, किं व न चिट्ठिउ किट्ठु देव दीणयमविलंबिउ ॥ कासु न किय निप्फललल्लि अह्महेहिं दुहत्तइं, तह वि न
 पत्तउ ताणु किंपि पइं पहु ! परिचत्तिइं ॥ १९ ॥ तुहु सामिउ, तुहु माय-वप्पु, तुहुं मित्त-पियंकरु, तुहुं गइ, तुहुं
 मइ, तुहुं जि-ताणु, तुहुं गुरु, खेमंकरु ॥ हउं दुहभरभारिउ वराउ राओल निब्भग्गउ, लीणउ तुह कमकमलसरणु
 जिण पालहि चंगउ ॥ २० ॥ पइं किवि कयनीरोय लोय किवि पावियसुहसय, किवि मइ-मंतमहंत केवि
 किवि साहिय सिवपय ॥ किवि गंजिअरिउवग्ग केवि जसधवलिअभूअल, मइं अवहीरहि केण पास सरणागय-
 वच्छल ! ॥ २१ ॥ पच्चुवयारनिरीह नाह ! निप्पण्णपओअण, तुह जिणपास परोवयार करुणिक्कपरायण ॥
 सत्तु-मित्तसमचित्तवित्ति ! नय-निंदिअसममण, मा अवहीरिअ जुग्गउ वि मइं पास निरंजण ॥ २२ ॥ हउं बहु-
 विहदुहत्तगत्तु तुहुं दुहनासणपरु, हउं सुयणहकरुणिक्कठाणु तुहुं निरु करुणापरु ॥ हउं जिणपास असामिसालु
 तुहुं तिहुअणसामिअ, जं अवहीरहि मइं झंखंत इय पास न सोहिअ ॥ २३ ॥ जुग्गा-जुग्गविभाग नाह नहु

साधुसाध्वी
॥ २२ ॥

जोअहि तुह समा, भवणुवयारसहाव भाव-करुणारस-सत्तम ॥ सम-विसमं किं घणु नियइ भुवि दाह समं-
तओ! इय दुहबंधव! पासनाह! मइं पाल थुणंतउ ॥ २४ ॥ न य दीणह दीणय मुएवि अन्नवि किवि जुग्गय, जं
जोइविओवयारु करइ उवयारसमुज्जय ॥ दीणह दीणु निहीणु जेण तुह नाहिण चत्तउ, तो जुग्गउ अहमेव
पास पालहि मइं चंगउ ॥ २५ ॥ अह अणुवि जुग्गयविसेसु किवि मण्णहि दीणह, जं पास वि उवयारु करइ
तुह नाह समग्गह ॥ सुच्चिअ किल कल्लाणु जेण जिण तुम्ह पसीयह, किं अन्निण तं चेव देव! मा मइ अवही-
रह ॥ २६ ॥ तुह पत्थण नहु होइ विहलु जिण जाणउ किं पुण, हउ दुक्खिउ निरु सत्तचत्त दुक्कउ उस्सुयमण ॥
तं मण्णउ निमिसेण एउ एओवि जइ लब्भइ, सच्चं जं भुक्खियवसेण किं उंबरु पच्चइ ॥ २७ ॥ तिहुअणसा-
मिअ पासनाह! मइ अप्पपयासिउ किज्जउ जं नियरूवसरिसु न मणुं बहु जंपिउ ॥ अण्णुण जिण जगि तुह
समो वि दक्खिणु-दयासउ, जइ अवगिण्णसि तुह जि अहह किं होइस हयासउ ॥ २८ ॥ जइ तुह रूविण
किणवि पेअपाइण वेलवियउ, तवि जाणुं जिणपास तुम्ह हउं अंगीकरिअउ ॥ इय मह इच्छिअ जं न होइ सां
तुह ओहावणु, रक्खंतह नियकित्ति णेय जुज्जइ अवहीरणु ॥ २९ ॥ एव महारिह जत्त देव एहु न्हवणमहसउ,
जं अणलियगुणगहण तुम्ह मुणिजणअणिसिद्धउ ॥ इय मइं पसिय सुपासनाह थंभणयपुरट्ठिअ, इय मुणिवरु
सिरिअभयदेउ विण्णवइ अणिदिअ ॥ ३० ॥ इति श्रीस्तम्भनकतीर्थराजश्रीपार्श्वनाथस्तवनम् ॥

प्रतिक्रमण
सूत्र.

॥ अथ बृहच्छान्ति ॥

भो भो भव्याः शृणुत वचनं प्रस्तुतं सर्वमेतत्, ये यात्रायां त्रिभुवनगुरोराहता भक्तिभाजः ॥ तेषां
शान्तिर्भवतु भवतामर्हदादिप्रभावादारोग्यश्रीधृतिमतिकरी क्लेशविध्वंसहेतुः ॥ १ ॥ भो भो भव्यलोका
इह हि भरतैरावतविदेहसंभवानां समस्ततीर्थकृतां जन्मन्यासनप्रम्कपान्तरमवधिना विज्ञाय ॥ सौधर्माधि-
पतिः सुघोषा घण्टा चालनानन्तरं ॥ सकलसुराऽसुरेन्द्रैः सह समागत्य ॥ सविनयमर्हद्गद्गारकं गृहीत्वा गत्वा
कनकाद्रिशृङ्गे ॥ विहितजन्माभिषेकः शान्तिमुद्धोषयति ॥ यथा ततोऽहं कृतानुकारमिति कृत्वा ॥ महाज-
नो येन गतः स पन्थाः इति भव्यजनैः सह समेत्य स्नात्रपीठे स्नात्रं विधाय ॥ शान्तिमुद्धोषयामि ॥ तत्पूजा-
यात्रास्नात्रादिमहोत्सवानन्तरमिति कृत्वा ॥ कर्णं दत्त्वा निशम्यतां निशम्यतां स्वाहा ॥ ॐ पुण्याहं पुण्याहं
प्रीयन्तां प्रीयन्तां भगवन्तोऽर्हन्तः सर्वज्ञाः सर्वदर्शिनस्त्रिलोकनाथास्त्रिलोकमहिताः त्रिलोकपूज्यास्त्रिलोके-
श्वरास्त्रिलोकोद्योतकराः ॥ ॐ श्रीकेवलज्ञानी, निर्वाणी, सागरः, महायशः, विमलः, सर्वाऽनुभूतिः, श्रीधरः,
दत्तः, दामोदरः, सुतेजाः, स्वामी, मुनिसुव्रतः, सुमतिः, शिवगतिः, अस्ताघः, नमीश्वरः, अनिलः, यशोधरः,
कृतार्थः, जिनेश्वरः, शुद्धमतिः, शिवकरः, स्यन्दनः, संप्रतिः । एतेऽतीतचतुर्विंशतितीर्थकराः ॥ ॐ श्रीऋषभः,
अजितः, संभवः, अभिनन्दनः, सुमतिः, पद्मप्रभः, सुपार्श्वः, चन्द्रप्रभः, सुविधिः, शीतलः, श्रेयांसः, वासुपूज्यः,

साधुसाध्वी
॥ २३ ॥

विमलः, अनन्तः, धर्मः, शान्तिः, कुन्धुः, अरः, मल्लिः, मुनिसुव्रतः, नमिः, नेमिः, पार्श्वः, वर्धमानः । एते वर्तमानचतुर्विंशतिजिनाः ॥ ॐ श्रीपद्मनाभः, सुरदेवः, सुपार्श्वः, स्वयंप्रभः, सर्वानुभूतिः, देवश्रुतः, उदयः, पेढालः, पोदिलः, शतकीर्त्तिः, सुव्रतः, अममः, निष्कषायः, निष्पुलाकः, निर्ममः, चित्रगुप्तिः, समाधिः, संवरः, यशोधरः, विजयः, मल्लिः, देवः, अनन्तवीर्यः, भद्रंकरः । एते भाविचतुर्विंशतितीर्थंकराः, जिनाः ॥ शान्ताः शान्तिकरा भवन्तु ॐ मुनयो मुनिप्रवरा रिपुविजयदुर्भिक्षकान्तारेषु दुर्गमार्गेषु रक्षन्तु वो नित्यम् खाहा ॥ ॐ श्रीनाभिः, जितशत्रुः, जितारिः, संवरः, मेघः, धरः, प्रतिष्ठः, महासेननरेश्वरः, सुग्रीवः, दृढरथः, विष्णुः, वसुपूज्यः, कृतवर्म, सिंहसेनः, भानुः, विश्वसेनः, सूरः, सुदर्शनः, कुम्भः, सुमित्रः, विजयः, समुद्रविजयः, अश्वसेनः, सिद्धार्थः, । एते वर्तमानचतुर्विंशतिजिनजनकाः, ॥ ॐ श्रीमरुदेवा, विजया, सेना, सिद्धार्था, सुमङ्गला, सुसीमा, पृथिवी-माता, लक्ष्मणा, रामा, नन्दा, विष्णु, जया, श्यामा, सुयशाः, सुव्रता, अचिरा, श्री, देवी, प्रभावती, पद्मा, वप्रा, शिवा, वामा, त्रिशला । इति वर्तमानजिनजनन्यः, ॥ ॐ श्रीगोमुखः, महायक्षः, त्रिमुखः, यक्षनायकः, तुम्बुरुः, कुसुमः, मातङ्गः, विजयः, अजितः, ब्रह्मा, यक्षराजः, कुमारः, षण्मुखः, पातालः, किन्नरः, गरुडः, गान्धर्वः, यक्षराजः, कुबेरः, वरुणः, भृकुटिः, गोमेधः, पार्श्वः, ब्रह्मशान्तिः । इति वर्तमानजिनयक्षाः ॥ ॐ चक्रेश्वरी, अजितबला, दुरितारिः, काली, महाकाली, श्यामा, शान्ता, भृकुटिः, सुतारका, अशोका, मानवी, चण्डा,

प्रतिक्रमण
सूत्र.

॥ २३ ॥

विदिता, अङ्कुशा, कन्दर्पा, निर्वाणी, बला, धारिणी, धरणप्रिया, नरदत्ता, गान्धारि, अम्बिका, पद्मावती, सि-
द्धायिका, एता वर्तमानचतुर्विंशतितीर्थकरशासनदेव्यः ॥

ॐ ह्री श्री धृति-मति-कीर्त्ति-कान्ति-बुद्धि-लक्ष्मी-मेधा-विद्यासाधन-प्रवेश-निवेशनेषु सुगृहीतनामानो ज-
यन्तु ते जिनेन्द्राः ॥ ॐ श्रीरोहिणी, प्रज्ञप्तिः वज्रशृङ्खला, वज्राङ्कुशा, चक्रेश्वरी, पुरुषदत्ता, काली, महा-
काली, गौरी, गान्धारी, सर्वास्त्रा-महाज्वाला, मानवी, वैरुड्या, अछुसा, मानसी, महामानसी, एताः षोडश
विद्यादेव्यो रक्षन्तु वो नित्यं स्वाहा ॥ ॐ आचार्योपाध्यायप्रभृतिचातुर्वर्णस्य श्रीश्रमणसंघस्य शान्तिर्भवतु
ॐ तुष्टिर्भवतु पुष्टिर्भवतु ॥ ॐ ग्रहाश्चन्द्रसूर्याङ्गारकबुधवृहस्पतिशुक्रशनिश्चरराहुकेतुसहिताः सलोकपालाः
सोम-यम-वरुण-कुबेर-वासवादित्य-स्कन्द-विनायकाः ये चान्येऽपि ग्रामनगरक्षेत्रदेवतादयस्ते सर्वे प्रीयन्तां प्री-
यन्तां ॥ अक्षीणकोशकोष्ठागारा नरपतयश्च भवन्तु स्वाहा ॥ ॐ पुत्र-मित्र-भ्रातृ-कलत्र-सुहृत्-स्वजन संबन्धि-
बन्धुवर्गसहिता नित्यं चामोदप्रमोदकारिणो भवन्तु अस्मिंश्च भूमण्डलायतननिवासिनां साधु-साध्वी-श्रावक-श्रा-
विकाणां रोगो-पसर्ग-व्याधि-दुःख-दुर्भिक्ष-दौर्मनस्योपशमनाय शान्तिर्भवतु ॥ ॐ तुष्टि-पुष्टि-ऋद्धि-वृद्धि-माङ्-
गल्योत्सवाः भवन्तु सदा प्रादुर्भूतानि दुरितानि पापानि शाम्यन्तु शत्रवः पराङ्मुखा भवन्तु स्वाहा ॥ श्रीमते
शान्तिनाथाय, नमः शान्तिविधायिने ॥ त्रैलोक्यस्यामराधीश-मुकुटाभ्यर्चिताङ्घ्रिये ॥ १ ॥ शान्तिः शान्तिकरः

साधुसाध्वी
॥ २४ ॥

श्रीमान्, शान्तिं दिशतु मे गुरुः ॥ शान्तिरेव सदा तेषां येषां शान्तिर्गृहे गृहे ॥२॥ ॐ उन्मृष्टरिष्ट-दुष्ट-ग्रहगति-
दुःखप्रदुर्निमित्तादि ॥ संपादितहितसंपन्नामग्रहणं जयति शान्तेः ॥ ३ ॥ श्रीसंघजगजनपदराजाधिपराज्यसन्नि-
वेशानां ॥ गोष्ठिकपुरमुख्याणां व्याहरणैर्व्याहरेच्छान्तिम् ॥४॥ श्रीश्रमणसंघस्य शान्तिर्भवतु ॥ श्रीपौरजनस्य शा-
न्तिर्भवतु, श्रीजनपदानां शान्तिर्भवतु ॥ श्रीराजाधिपानां शान्तिर्भवतु ॥ श्रीराजसन्निवेशानां शान्तिर्भवतु ॥
श्रीगोष्ठिकानां शान्तिर्भवतु ॥ श्रीपौरमुख्याणां शान्तिर्भवतु ॥ श्रीब्रह्मलोकस्य शान्तिर्भवतु ॥ ॐ स्वाहा ॐ
स्वाहा ॐ ह्रीं श्रीं पार्श्वनाथाय स्वाहा ॥ एषा शान्ति-प्रतिष्ठा-यात्रास्नानाद्यवसानेषु शान्तिकलशं गृहीत्वा,
कुंकुमचन्दन-कर्पूरागरु-धूपवास-कुसुमाञ्जलिसमेतः स्नात्रपिठे श्रीसङ्घसमेतः शुचिशुचितरवपुः पुष्पवस्त्रचंद-
नाभरणालङ्कृतः पुष्पमालां कण्ठे कृत्वा, शान्तिमुद्धोषयित्वा ॥ शान्तिपानीयं मस्तके दातव्यमिति ॥ नृत्यन्ति
नित्यं मणिपुष्पवर्षन्, सृजन्ति गायन्ति च मङ्गलानि ॥ स्तोत्राणि गोत्राणि पठन्ति मन्त्रान्, कल्याणभाजो
हि जिनाभिषेके ॥ १ ॥ शिवमस्तु सर्वजगतः परहितनिरता भवन्तु भूतगणाः ॥ दोषाः प्रयान्तु नाशं, सर्वत्रं
सुखनो भवन्तु लोकाः ॥२॥ अहं तित्थयरमाया, सिवादेवी तुम्ह नयरनिवासिनी ॥ अम्ह सिवं तुम्ह सिवं,
असुभोवसमं सिवं भवतु स्वाहा ॥ ३ ॥ उपसर्गाः क्षयं यान्ति छिद्यन्ते विघ्नवल्लयः ॥ मनः प्रसन्नतामेति पूज्य-
माने जिनेश्वरे ॥४॥ सर्वं मङ्गलमाङ्गल्यं, सर्वं कल्याणकारकं ॥ प्रधानं सर्वधर्माणाम्, जैनं जयति शासनम् ॥ ५ ॥

प्रतिक्रमण
सूत्र.